

ანგარიში

აფხაზეთის ავტონომიური რესპუბლიკის სამთავრობო
სტრუქტურების მიერ 2018 წლის 9 თვეში
გატარებული ღონისძიებების შესახებ



სარჩევი


ზოგადი მიმოხილვა.....	3
დიაგრამა № 1: აფხაზეთიდან იძულებით გადაადგილებულ პირთა ხვედრითი წილი განსახლების სახის მიხედვით 2018 წლის 01 ოქტომბრისათვის	3
ცხრილი № 1: აფხაზეთიდან იძულებით გადაადგილებულ პირთა რიცხოვნობა რეგიონების მიხედვით.....	4
დიაგრამა № 2: აფხაზეთიდან იძულებით გადაადგილებულ პირთა ხვედრითი წილი განსახლების რეგიონების მიხედვით 2018 წლის 01 ოქტომბრისათვის	5
დიაგრამა № 3: აფხაზეთიდან იძულებით გადაადგილებულ პირთა რაოდენობა და განსახლება რეგიონების მიხედვით 2018-2017 წ.წ. 01 ოქტომბრისათვის	5
სოციალური სფერო.....	15
<i>ჯანდაცვა.....</i>	<i>15</i>
<i>განათლება, კულტურა, სპორტი</i>	<i>23</i>
ეკონომიკის სფერო	31
<i>ბიზნეს სექტორი</i>	<i>31</i>
დიაგრამა № 4: საშუალო თვიური ხელფასების შედარება 2018/9 თვე-2017/9 თვე მოქმედ ფასებში.....	31
<i>პროდუქციის ბრუნვა და გამოშვება</i>	<i>32</i>
დიაგრამა № 5: პროდუქციის ბრუნვა/გამოშვება 2018/9 თვე-2017/9 თვე	32
დიაგრამა № 6: ენერგოსაწარმოების მიერ გამომუშავებული პროდუქციის ბრუნვა/გამოშვება 2018/9 თვე-2017/9 თვე.....	33
აფხაზეთის ავტონომიური რესპუბლიკის მთავრობის მიერ სახელმწიფო წილით დაფუძნებული საწარმოების ფუნქციონირების შედეგები.....	33
სოფლის მეურნეობა	36
სახელმწიფო ქონების მართვა და პრივატიზება	40
გეოლოგია	43
საქვეუწყებო დაწესებულება – ინფრასტრუქტურისა და დარგობრივ საკითხთა დეპარტამენტი	44
აფხაზეთის ავტონომიური რესპუბლიკის ბიუჯეტი	46
დიაგრამა №7: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2018/9 თვე	46
დიაგრამა №8: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2018/9 თვე-2017/9 თვე.....	46
ცხრილი №2: აფხაზეთის ავტონომიური რესპუბლიკის რესპუბლიკური ბიუჯეტის შესრულების შედეგები. 2018/9 თვე.....	47
დიაგრამა № 9: შემოსულობებისა და გადასახდელების შედარება 2018/9 თვე-2017/9 თვე	48

წინამდებარე ანგარიში მომზადებულია 2018 წლის 9 თვის სტატისტიკურ მონაცემებზე დაყრდნობით და აფხაზეთის ავტონომიური რესპუბლიკის სამინისტროებისა და უწყებებისაგან მიღებული მასალების საფუძველზე. ანგარიში განსახილველად წარედგინება აფხაზეთის ავტონომიური რესპუბლიკის მთავრობას.

ზოგადი მიმოხილვა

2018 წლის 01 ოქტომბრისთვის აფხაზეთის ავტონომიური რესპუბლიკის დევნილთა საქმეების დეპარტამენტის მონაცემებით, საქართველოს სხვადასხვა რეგიონში განსახლებულ აფხაზეთიდან იგპ-თა საერთო რაოდენობა შეადგენდა 244 371-ს, მათ შორის ქ. თბილისში – 103 268 (42,3%), სამეგრელო-ზემო სვანეთში – 89 155 (36,5%), იმერეთში – 27 103 (11,1%), ქვემო ქართლში – 9 743 (4,0%), აჭარაში – 7 043 (2,9%), სამცხე-ჯავახეთში – 2 253 (0,9%), შიდა ქართლში – 2 331 (0,9%), კახეთში – 1 244 (0,5%), მცხეთა-მთიანეთში – 951 (0,4%), რაჭა-ლეჩხუმ-ქვემო სვანეთში – 758 (0,3%), გურიაში – 522 (0,2%). კომპაქტურად ჩასახლებული იყო 26 485 (10,8%), ხოლო კერძო სექტორში – 217 886 პირი (89,2%). მიმდინარე პერიოდისათვის ქვეყნის მასშტაბით კომპაქტურად ჩასახლებულ ობიექტთა რაოდენობა შეადგენდა 631 ერთეულს.

დიაგრამა № 1: აფხაზეთიდან იძულებით გადაადგილებულ პირთა ზვედრითი წილი განსახლების სახის მიხედვით 2018 წლის 01 ოქტომბრისათვის



ცხრილი № 1: აფხაზეთიდან იძულებით გადაადგილებულ პირთა რიცხოვნობა რეგიონების მიხედვით


2018 წლის 01 ოქტომბრის მდგომარეობით

	რიცხოვნობა			პროცენტობით		არაპრივატიზებული კომპაქტ. ობიექტ. რაოდენობა
	სულ	მათ შორის		მათ შორის		
		კერძო	კომპ.	კერძო	კომპ.	
სულ	244371	217886	26485	89.2	10.8	631
მათ შორის:						
აღმოსავლეთ საქართველოში	119790	112517	7273	93.9	6.1	196
ქ. თბილისი	103268	97765	5503	94.7	5.3	150
ქვემო ქართლი	9743	9338	405	95.8	4.2	12
შიდა ქართლი	2331	1922	409	82.5	17.5	18
მცხეთა-მთიანეთი	951	727	224	76.4	23.6	7
კახეთი	1244	1203	41	96.7	3.3	5
სამცხე-ჯავახეთი	2253	1562	691	69.3	30.7	4
დასავლეთ საქართველოში	124581	105369	19212	84.6	15.4	435
სამეგრელო-ზემო სვანეთი	89155	75890	13265	85.1	14.9	338
აჭარა	7043	7043	0	100.0	0.0	0
იმერეთი	27103	21293	5810	78.6	21.4	88
რაჭა-ლეჩხუმ-ქვემო სვანეთი	758	621	137	80.9	17.8	9
გურია	522	522		100.0	0.0	0


2017 წლის ანალოგიურ პერიოდთან შედარებით იგპ-თა საერთო რაოდენობა გაიზარდა 3 769 პირით (1,6%), მათ შორის აღმოსავლეთ საქართველოში 1 972 პირით (1,7%-ით), ხოლო დასავლეთ საქართველოში – 1 168 პირით (1,0%-ით). რეგიონების მიხედვით: ქ. თბილისში – 1 699 იგპ-ით ანუ 1,7%-ით, ქვემო ქართლში 173 იგპ-ით ანუ 1,8%-ით, შიდა ქართლში – 77 იგპ-ით ანუ 3,4%-ით, სამეგრელო-ზემო სვანეთში 996 იგპ-ით ანუ 1,1%-ით, აჭარაში – 187 იგპ-ით ანუ 2,7%-ით, იმერეთში – 621 იგპ-ით ანუ 2,3%-ით, მცხეთა-მთიანეთში – 42 იგპ-ით ანუ 4,6%-ით, გურიაში - 7 იგპ-ით ანუ 1,4%-ით. დევნილთა

რაოდენობა შემცირდა სამცხე-ჯავახეთში – 28 იგპ-ით ანუ 1,2%-ით, რაჭა-ლეჩხუმ-ქვემო სვანეთში 14 იგპ-ით ანუ 1,8%-ით.

დიაგრამა № 2: აფხაზეთიდან იძულებით გადაადგილებულ პირთა ხვედრითი წილი განსახლების რეგიონების მიხედვით 2018 წლის 01 ოქტომბრისათვის



დიაგრამა № 3: აფხაზეთიდან იძულებით გადაადგილებულ პირთა რაოდენობა და განსახლება რეგიონების მიხედვით 2018-2017 წ.წ. 01 ოქტომბრისათვის



2018 წლის 9 თვეში იგპ-თა სოციალურ-ეკონომიკური რეაბილიტაციის მიზნით აფხაზეთის ავტონომიური რესპუბლიკის მთავრობისა და მისდამი დაქვემდებარებული სამინისტროებისა და უწყებების მიერ ქ. თბილისსა და რეგიონებში გატარდა სხვადასხვა სახის ღონისძიებები, განხორციელდა პროგრამები. საქმიანობაში პრიორიტეტებს წარმოადგენდა:

- ორგანიზებულად ჩასახლებულ ობიექტებში საყოფაცხოვრებო პირობების შესწავლა და რეაბილიტაცია კომპეტენციის ფარგლებში;
- სოციალური (ჯანდაცვითი და საგანმანათლებლო) პროგრამების განხორციელება;
- იგპ-თა დასაქმების ხელშეწყობა;
- იგპ-თა მოქალაქეობრივი ინტერესებისა და კანონიერი უფლებების დაცვა;
- საქართველოს რიგი უწყებების ხელშეწყობით იგპ-თათვის სხვადასხვა სახის, მათ შორის ჰუმანიტარული დახმარება;
- აფხაზეთის გახლეჩილი საზოგადოების წევრებს შორის ნდობის აღდგენისა და შერიგების პროცესის, აგრეთვე გაყოფილ ტერიტორიაზე მცხოვრებ, საერთო ინტერესების მქონე ჯგუფებს შორის ურთიერთობის ხელშეწყობა;
- სამთავრობო და არასამთავრობო (ადგილობრივ და საერთაშორისო) ორგანიზაციებთან თანამშრომლობა.

საანგარიშო პერიოდში აფხაზეთის ავტონომიური რესპუბლიკის მთავრობის რეგიონული წარმომადგენლობების მიერ, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს ტერიტორიულ ორგანოებსა და ადგილობრივი თვითმმართველობის ორგანოებთან თანამშრომლობით გრძელდებოდა ორგანიზებულად ჩასახლებული ობიექტების მდგომარეობის შესწავლა.

დევნილ მოსახლეობას, შესაძლებლობის ფარგლებში, დახმარება გაეწია დროებითი საცხოვრებელი ფართების რეაბილიტაციაში, მოხდა შენობა-ნაგებობების გადახურვა, ელექტრო და წყალგაყვანილობების შეკეთება, გამოსწორდა სამშენებლო ხარვეზები. დევნილი მოსახლეობის მაქსიმალურად ჩართულობის მიზნით, სისტემატურად ხდებოდა რეგიონებში ინფორმაციის მიწოდება სხვადასხვა სახის პროექტების გაცნობის მიზნით.

საქართველოს სხვადასხვა რეგიონში მცხოვრებ იგპ-ებს გაეწიათ სამართლებრივი ხასიათის კონსულტაციები და დახმარებები (დაზადების მოწმობის აღდგენა, სამუშაო სტაჟის დადგენა, პირადობის მოწმობის აღება, აგრეთვე საკუთრებაში გადაცემული ფართის პრივატიზაციასთან, ომისა და სამხედრო ძალების ვეტერანთა პენსიასთან, მოქალაქეობასთან დაკავშირებული საკითხები და სხვა). რამდენიმე დევნილ სტუდენტს გაეწია შუამდგომლობა სწავლის (სტუდენტის სტატუსი) აღდგენის, საფასურის გადანაწილებისა და სხვა მათთვის საჭირო პრობლემის გადაწყვეტასთან დაკავშირებით.

საანგარიშო პერიოდში, განხორციელდა სხვადასხვა სახის კულტურული და სპორტული ღონისძიებები, მათ შორის დასწრება თეატრებში, საჩუქრების დარიგება დევნილი ბავშვებისათვის, სოციალურად დაუცველი ოჯახებისათვის. აფხაზეთის ავტონომიური რესპუბლიკის მთავრობის ორგანიზებით მოძრაობის „ვიზრუნოთ ერთმანეთზე“ ფარგლებში აფხაზეთიდან დევნილ სოციალურად დაუცველ პირებს (აფხაზეთის ომის პირველი და მეორე ჯგუფის ინვალიდებსა და ვეტერანებს, მეორე მსოფლიო ომის ვეტერანებს, დედ-მამით ობოლ არასრულწლოვნებს, მრავალშვილიან ოჯახებს, 90 წელს გადაცილებულებს, შშმ და ლეიკემიით დაავადებულ ბავშვებს, ომში შვილდაღუპულ დედებს) გადაეცათ საჩუქრები. აღსანიშნავია, რომ აფხაზეთის ავტონომიური რესპუბლიკის დევნილთა საქმეების დეპარტამენტი დაჯილდოვდა აფხაზეთის ავტონომიური რესპუბლიკის ხელისუფლების მიერ მადლობის სიგელით საქველმოქმედო მოძრაობის „ვიზრუნოთ ერთმანეთზე“ ფარგლებში იძულებით გადაადგილებული სოციალურად დაუცველი პირების კეთილდღეობაზე ზრუნვისათვის.

გარდა ამისა, გაფორმდა თანამშრომლობის მემორანდუმი აფხაზეთის ავტონომიური რესპუბლიკის დევნილთა საქმეების დეპარტამენტსა და შპს „ოცნების სამყაროს“ სათამაშოების მაღაზიათა ქსელს „ჭიტა“ შორის, რომლის მიზანს წარმოადგენს დევნილთა სოცალურ-ეკონომიკური მდგომარეობის გაუმჯობესების მიზნით ამ მაღაზიათა ქსელში აფხაზეთიდან იგპ-თა დასაქმება.

შესაძლებლობის ფარგლებში მატერიალური დახმარება გაწეულ იქნა სამედიცინო მომსახურების თანადაფინანსებაშიც. მიმდინარეობდა მუშაობა იგპ-თა დასაქმებაში ხელშეწყობის კუთხით.

აფხაზეთის ავტონომიური რესპუბლიკის მთავრობასა და ესპანურ ინტეგრაციისა და სოლიდარობის ფონდს „FINSOL“ შორის გაფორმებულ ერთობლივ მემორანდუმში გარკვეული ცვლილებების შეტანის მიზნით, ქ. მადრიდში, „FINSOL“-ის ოფისში, ხელი მოეწერა ახალ მემორანდუმს, რამაც შესაძლებლობა მისცა ორივე მხარეს განახორციელონ ერთობლივი ჰუმანიტარული და სოციალური პროგრამები.

2018 წლის 2 ივლისიდან 3 სექტემბრამდე, აფხაზეთის ავტონომიური რესპუბლიკის დევნილთა საქმეების დეპარტამენტისა და აფხაზეთის ავტონომიური რესპუბლიკის განათლებისა და კულტურის სამინისტროს ხელშეწყობით, აფხაზეთის ავტონომიური რესპუბლიკის მთავრობის მიერ ორგანიზებულ იქნა აფხაზეთიდან დევნილი, სოციალურად დაუცველი და ოკუპირებულ ტერიტორიაზე მცხოვრები 18 ბავშვის დასვენება ესპანეთის სამეფოში.

აფხაზეთის ავტონომიური რესპუბლიკის მთავრობის 2018 წლის 26 იანვრის №2 დადგენილების შესაბამისად, აფხაზეთის ავტონომიური რესპუბლიკის მთავრობის წარმომადგენლობებში შეიქმნა „აფხაზეთის ავტონომიური რესპუბლიკის ოკუპირებული ტერიტორიებიდან იძულებით გადაადგილებულ პირთა - დევნილთა სოციალური დაცვის მიზნით, ერთჯერადი დახმარების გამცემი კომისიები“, რომელთა უფლებამოსილებასაც

განეკუთვნება აფხაზეთის ავტონომიური რესპუბლიკის რესპუბლიკური ბიუჯეტით დადგენილი, აფხაზეთის ავტონომიური რესპუბლიკის ოკუპირებული ტერიტორიიდან დევნილ, სოციალურად დაუცველ კატეგორიებზე ერთჯერადი მატერიალური დახმარების გაწევის ორგანიზება. აფხაზეთის ავტონომიური რესპუბლიკის 2018 წლის რესპუბლიკური ბიუჯეტით სოციალური პროექტების დაფინანსება, სოციალური დახმარების კუთხით, გაიზარდა. კერძოდ, 2017 წელს თანხა შეადგენდა 354 375 ლარს, მატებამ შეადგინა 100 625 ლარი და 2018 წლის რესპუბლიკური ბიუჯეტით გამოყოფილი ასიგნებები განისაზღვრა 455 000 ლარით. მიმდინარე წლის მე-3 კვარტალში აფხაზეთის ავტონომიური რესპუბლიკის 2018 წლის რესპუბლიკური ბიუჯეტის ცვლილებისას, სოციალური პროგრამის დაფინანსება გაიზარდა დამატებით 70 000 ლარით და შეადგინა სულ 525 000 ლარი.

საანგარიშო პერიოდში აფხაზეთის ავტონომიური რესპუბლიკის მთავრობის რეგიონალურ წარმომადგენლობებს ერთჯერადი მატერიალური დახმარების მისაღებად განცხადებით მიმართა 3 286 დევნილმა ბენეფიციარმა და შესაბამისი წარმომადგენლობების კომისიების განხილვის შედეგად, დაკმაყოფილებულ იქნა 2 958 განცხადება და გაცემულ იქნა ფინანსური დახმარება, სულ 436 350 ლარის ოდენობით.

აფხაზეთის ავტონომიური რესპუბლიკის ოკუპირებული ტერიტორიებიდან იძულებით გადაადგილებულ პირთა - დევნილთა საკუთრებაში/სარგებლობაში გადაცემულ საცხოვრებელ ობიექტებში მცირეფასიანი და გადაუდებელი სარემონტო სახის სამუშაოების ჩატარების მიზნით შექმნილი შესაბამისი კომისიების მიერ, პროგრამის ფარგლებში (800 ლარი) დაფინანსდა 30 განაცხადი, ხოლო გაცემულმა თანხამ შეადგინა სულ 21 529,1 ლარი. აფხაზეთის ავტონომიური რესპუბლიკის 2018 წლის რესპუბლიკური ბიუჯეტით, იგპ-თა მართლზომიერ მფლობელობაში გადაცემულ საცხოვრებელ ფართებში მცირე სარემონტო სამუშაოების დაფინანსება გაიზარდა, რამაც დევნილ მოსახლეობას საყოფაცხოვრებო პირობების გაუმჯობესების შესაძლებლობა მისცა. კერძოდ, მიმდინარე წლის მე-3 კვარტალში აფხაზეთის ავტონომიური რესპუბლიკის 2018 წლის რესპუბლიკური ბიუჯეტის ცვლილებისას, სოციალური პროგრამის დაფინანსებამ შეადგინა სულ 39 400 ლარი (10 000 ლარი აღმოსავლეთ საქართველოში აფხაზეთის ავტონომიური რესპუბლიკის მთავრობის წარმომადგენლობის ასიგნებებში). აფხაზეთის ავტონომიური რესპუბლიკის მთავრობის სარეზერვო ფონდიდან დაფინანსდა და მატერიალური დახმარების სახით 22 ოჯახზე გაიცა 16 520 ლარი.

საანგარიშო პერიოდში აფხაზეთის ავტონომიური რესპუბლიკის მთავრობის წარმომადგენლობების „აფხაზეთის ოკუპირებული ტერიტორიიდან იძულებით გადაადგილებულ (დევნილის სტატუსის მამიებელი) პირთა ფოტოიდენტიფიკაციის დადასტურებისა და მუდმივი საცხოვრებელი ადგილის დამდგენ კომისიებში“ შემოვიდა 628 განცხადება. აქედან 576 განცხადებაზე გაიცა დადებითი დასკვნა, უარი ეთქვა 38 განმცხადებელს, ხოლო ადმინისტრაციულ წარმოებაშია 13 განცხადება.

საანგარიშო პერიოდში აფხაზეთის ავტონომიური რესპუბლიკის იუსტიციის დეპარტამენტის მიერ უზრუნველყოფილ იქნა:

- „აფხაზეთის ავტონომიური რესპუბლიკის ოკუპირებული ტერიტორიებიდან იძულებით გადაადგილებულ პირთა - დევნილთა სოციალური დაცვის მიზნით ერთჯერადი დახმარების გაცემის წესის დამტკიცების შესახებ“ აფხაზეთის ავტონომიური რესპუბლიკის მთავრობის დადგენილების პროექტზე ჩატარებული სამართლებრივი ექსპერტიზების შედეგად, აფხაზეთის ავტონომიური რესპუბლიკის მთავრობის 2018 წლის 26 იანვრის №2 დადგენილების გამოქვეყნება „საქართველოს საკანონმდებლო მაცნეს“ ვებგვერდზე. აღნიშნული დოკუმენტით რეგულირდება აფხაზეთის ავტონომიური რესპუბლიკიდან დევნილ, სოციალურად დაუცველ მოქალაქეებზე (ოჯახებზე) ერთჯერადი მატერიალური დახმარების გაწევა;
- „აფხაზეთის ავტონომიური რესპუბლიკის ოკუპირებული ტერიტორიიდან იძულებით გადაადგილებულ პირთა - დევნილთა საკუთრებაში/სარგებლობაში გადაცემულ საცხოვრებელ ობიექტებში მცირეფასიანი და გადაუდებელი სარემონტო სახის სამუშაოების ჩატარების წესის დამტკიცების შესახებ“ აფხაზეთის ავტონომიური რესპუბლიკის მთავრობის დადგენილების პროექტის სამართლებრივი ექსპერტიზის საფუძველზე, აფხაზეთის ავტონომიური რესპუბლიკის მთავრობის 2018 წლის 26 იანვრის №1 დადგენილების გამოქვეყნება. აღნიშნული დოკუმენტით რეგულირდება დევნილთათვის გადაცემულ საცხოვრებელ ობიექტებში მცირეფასიანი და გადაუდებელი სახის სარემონტო სამუშაოს ჩატარება, რაც ხელს შეუწყობს მათი საყოფაცხოვრებო პირობების გაუმჯობესებას.

აფხაზეთის ავტონომიური რესპუბლიკის მოქმედი, კოდიფიცირებული ნორმატიული აქტების ხელმისაწვდომობის მიზნით, სისტემატურად ხორციელდებოდა აფხაზეთის მოქმედი კოდიფიცირებული ნორმატიული აქტების სისტემატიზირებული ვერსიების შექმნა, ხოლო აფხაზეთიდან იძულებით გადაადგილებულ პირთა - დევნილთა უფლებების დაცვის ხელშეწყობის მიზნით, საკანონმდებლო და კანონქვემდებარე ნორმატიული აქტების სიახლეების განთავსება დეპარტამენტის ოფიციალურ ვებ-გვერდზე. ამასთან, დევნილი მოსახლეობის უფლებებისა და კანონიერი ინტერესების დაცვის ხელშეწყობის მიზნით განხორციელდა აფხაზეთის საარქივო ფონდის შევსება, საარქივო დოკუმენტების აღწერა-სისტემატიზირება დოკუმენტების შემდგომი გამოყენების მიზნით. საანგარიშო პერიოდში არქივის სამმართველოში შემოვიდა სულ 370 მოთხოვნა და გავიდა 392 შესაბამისი პასუხით, აქედან, საქართველოს არქივის სამმართველოში სამოქალაქო აქტების აღდგენის მიზნით შემოვიდა 181 მოთხოვნა, რომელთაგან 119-ს დადებითი პასუხი გაეცა.

კომპეტენციას მიკუთვნებულ სხვადასხვა საკითხებზე 87 მოქალაქეს გაეცა ზეპირი კონსულტაცია არქივის მოქმედი კანონმდებლობის შესაბამისად.

ამასთან, აფხაზეთიდან იძულებით გადაადგილებულ პირებს გაეწიათ სამართლებრივი კონსულტაციები ისეთ საკითხებზე, როგორცაა პიროვნების დადგენა, სტაჟის დადგენა, ქორწინების აქტის და დევნილის სტატუსის აღდგენის, საცხოვრებელი ფართის დაკანონება, აფხაზეთში უგზო-უკვლოდ დაკარგულთა სტატუსის, გარდაცვლილად გამოცხადებისა და სხვა იურიდიული ფაქტების დადგენა, სააქტო ჩანაწერში არსებული ხარვეზების გამოსწორება. აფხაზეთიდან იგპ-ებისათვის უფასო სამართლებრივი კონსულტაციების გაწევის მიზნით, დეპარტამენტის თანამშრომლები მივლინებულ იყვნენ ქ. ახალციხეში აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტროს მიერ ორგანიზებულ ღონისძიებაში მონაწილეობის მისაღებად. შედგა შეხვედრა აფხაზეთიდან დევნილ მოსახლეობასთან, იგპ-თა კომპაქტურ დასახლებებში. დარიგდა საცნობარო „ფლაერები“ დეპარტამენტის მიერ დევნილებისათვის შეთავაზებული სამართლებრივი დახმარების გაწევის თაობაზე. გასვლითი ღონისძიებები განხორციელდა აგრეთვე აჭარაში, ზუგდიდში, სამტრედიიაში, თელავში და ქ. თბილისში დევნილთა სხვადასხვა ჩასახლებაში.

საანგარიშო პერიოდში სამხედრო-სავალდებულო სამსახურში (საგაზაფხულო გაწვევა) სულ გაწვეულ იქნა 132, გადავადების მოსაკრებელი (2 000 ლარი) გადაიხადა 6 წევამდელმა.

2018 წლის 9 თვეში ფუნქციონირებას აგრძელებდა აფხაზეთის ავტონომიური რესპუბლიკის სავაჭრო-სამრეწველო პალატა, რომლის საქმიანობის ძირითად მიმართულებებს წარმოადგენდა მეწარმე სუბიექტებთან შეხვედრები, მჭიდრო თანამშრომლობის დამყარება პარტნიორ ორგანიზაციებთან, სხვადასხვა ბიზნეს გაერთიანებებთან, არასამთავრობო სექტორთან, ადგილობრივ და უზცოურ დონორებთან. საანგარიშო პერიოდში დაიდო ურთიერთთანამშრომლობის მემორანდუმები:

- ჩერკასკის სავაჭრო-სამრეწველო პალატასთან;
- მთარგმნელობით კომპანიასთან „თი არ ჯი“;
- აფხაზეთის ავტონომიური რესპუბლიკის დევნილთა საქმეების დეპარტამენტთან;
- საქართველოს ფინანსთა სამინისტროს შემოსავლების სამსახურთან;
- აფხაზეთის ავტონომიური რესპუბლიკის ფინანსთა და ეკონომიკის სამინისტროსთან.

მიმდინარეობდა მჭიდრო თანამშრომლობა საქართველოს სავაჭრო-სამრეწველო პალატასთან და რეგიონალურ პალატებთან, ასევე აჭარის ავტონომიური რესპუბლიკის სავაჭრო-სამრეწველო პალატასთან, რითაც პალატის წევრ მეწარმეებს შეეძენათ შესაძლებლობა მონაწილეობა მიეღოთ სხვადასხვა ღონისძიებებსა და ბიზნესფორუმებში.

საანგარიშო პერიოდში:

- შედგა შეხვედრა მიუნხენისა და ზემო ბავარიის სავაჭრო-სამრეწველო პალატის წევრებთან, მომზადდა ინფორმაცია პალატის საქმიანობის შესახებ და პალატის

სამომავლო პროექტების მოკლე მიმოხილვა ქართულ და ინგლისურ ენებზე. შეხვედრაზე განხილულ იქნა ურთიერთთანამშრომლობის შესაძლებლობები;

- ბათუმში ჩატარებულ მეწარმე ქალთა ეროვნულ ბიზნესფორუმზე წარდგენილ იყვნენ პალატაში გაწევრიანებული ქალი მეწარმეები. ფორუმში მნიშვნელოვანი იყო მცირე და საშუალო ბიზნესის განვითარების ხელშეწყობისა და ბიზნესში ქალთა ჩართულობის გაზრდისათვის;
- მიმდინარეობდა შეხვედრები და კონსულტაციები სხვადასხვა ბიზნეს ასოციაციების დაფუძნებასთან დაკავშირებით. დაფუძნდა ორი ასოციაცია – აფხაზეთის ავტონომიური რესპუბლიკის ქალ ბიზნესმენტა ასოციაცია და აფხაზეთის ავტონომიური რესპუბლიკის სამედიცინო დაწესებულებებისა და მედიცინის მუშაკთა ასოციაცია;
- ჩატარდა ბელორუსიის ბიზნესფორუმი, სადაც შედგა ორმხრივი შეხვედრები ბელორუსიის ბიზნეს სექტორისა და აფხაზეთის ავტონომიური რესპუბლიკის პალატის წევრ ბიზნესმენტებს შორის;
- ქ. სტამბოლში, BSEC-CPMR შტაბ-ბინაში გაიმართა ვორქშოფი თემაზე: „პროექტის პრომოუშენი“, რომლის ორგანიზატორები იყვნენ შავი ზღვის ეკონომიკური თანამშრომლობის მუდმივი საერთაშორისო სამდივნო (BSEC PERMIS), საზღვაო პერიფერიული რეგიონების კონფერენცია (CPMR) და ამ კონფერენციის ბალკანეთი-შავი ზღვის კომისია (BBSC). სემინარის მიზანი იყო რეგიონის ხელისუფლების როლისა და მნიშვნელობის წარმოჩენა ეკონომიკური პოლიტიკის შემუშავებაში, ხელმისაწვდომი დაფინანსების ინსტრუმენტების შექმნასა და მის ეფექტურ მენეჯმენტში. სემინარის მუშაობაში მონაწილეობა მიიღო აფხაზეთის ავტონომიური რესპუბლიკის სავაჭრო-სამრეწველო პალატამ;
- სასტუმრო „ბილტმორში“ ჩატარდა ჩინეთის ბიზნესფორუმი, რომლის ფარგლებში გაიმართა ქართული პროდუქციის გამოფენა. ფორუმში აფხაზეთის სავაჭრო-სამრეწველო პალატის მეწარმეებმა წარმოადგინეს თავიანთი პროდუქცია;
- ჩატარდა კრინიცას ბიზნესფორუმი, სადაც სხვა მონაწილეებთან ერთად წარმოდგენილი იყვნენ აფხაზეთის სავაჭრო-სამრეწველო პალატის წევრი ბიზნესმენტები;
- დაიწყო აქტიური მუშაობა მთავრობის ახალი ინიციატივის „ნაბიჯი უკეთესი მომავლისათვის“ ფარგლებში ადმინისტრაციული გამყოფი ზოლის ორივე მხარეს მცხოვრები მოსახლეობის ერთობლივი ბიზნესის წახალისების მიმართულებით. შედგა შეხვედრა შერიგებისა და სამოქალაქო თანასწორობის საკითხებში საქართველოს სახელმწიფო მინისტრის აპარატთან, სადაც განხილულ იქნა ჰუმანიტარული და სოციალურ-ეკონომიკური მდგომარეობა ოკუპირებული აფხაზეთის გამყოფი ხაზის გასწვრივ. გაიმართა მსჯელობა საქართველოს მთავრობის

ინიციატივის ფარგლებში აფხაზეთის ოკუპირებული ტერიტორიების მოსახლეობასთან დაახლოების შესაძლებლობების, სოციალურ-ეკონომიკურ სფეროებში ურთიერთთანამშრომლობის, კონტაქტების განახლების, მიმოსვლის და საერთო ინტერესებზე დაფუძნებული ბიზნესურთიერთობების წახალისების საკითხებზე.

საანგარიშო პერიოდში გაგრძელდა მუშაობა აფხაზეთიდან იგპ-მეწარმეების პალატაში გაწევრიანების მიმართულებით. დაიგეგმა და განხორციელდა შეხვედრები პალატაში გაწევრიანებულ მეწარმეთათვის პალატის საქმიანობისა და სერვისების გაცნობის მიზნით.

საერთაშორისო და ადგილობრივ არასამთავრობო სექტორთან თანამშრომლობის კუთხით აქტიური მუშაობა ჩატარდა ნდობის აღდგენისა და შერიგების საკითხებში აფხაზეთის ავტონომიური რესპუბლიკის მთავრობის აპარატის მიერ, რომლის ძირითად საქმიანობას წარმოადგენდა ნდობის აღდგენისა და შერიგების სფეროში ინოვაციური მიდგომების შემუშავება, აფხაზეთის გახლეჩილი საზოგადოების წევრებს შორის ნდობის აღდგენისა და შერიგების პროცესის ხელშეწყობა, გაყოფილ ტერიტორიებზე მცხოვრებ, საერთო ინტერესების მქონე ჯგუფებს შორის ურთიერთობების ხელშეწყობა, საინფორმაციო ტექნოლოგიების და სხვა ტიპის ელექტრონული კომუნიკაციების მეშვეობით ურთიერთობის, დიალოგისა და ნდობის აღდგენის ხელშეწყობა გამყოფი ხაზებით დამორიშორებულ საზოგადოებას შორის. განსაკუთრებით საჭიროა ამ პროცესებში ახალგაზრდების ჩართულობა და საერთაშორისო და ადგილობრივი ინსტიტუციების დახმარებით მათი დამეგობრებისათვის ხელშეწყობა. ინოვაციურ პროექტებში სახალხო დიპლომატიის როლის გაძლიერება, კულტურული მემკვიდრეობის, განათლების, ჯანდაცვის, ეკონომიკის, სპორტის და სხვა სფეროში არსებული და ახალი შესაძლებლობის გამოყენება.

კერძოდ, საანგარიშო პერიოდში:

- განხორციელდა პროგრამული პროექტი „შევისწავლოთ აფხაზური ენა“, რომელიც განკუთვნილი იყო დევნილთათვის, აფხაზეთსა და მის ფარგლებს გარეთ, ასევე აჭარაში მცხოვრები აფხაზებისათვის. მის მიზანს წარმოადგენდა ორ მოძმე ერს შორის ურთიერთგაგების გაუმჯობესება და ნდობის აღდგენა. მსურველებს საშუალება ჰქონდათ გაცნობოდნენ აფხაზურ ენას, კულტურას, ისტორიას, ტრადიციებს. პროექტი ითვალისწინებდა აფხაზური ენის შემსწავლელი კურსის უზრუნველყოფას სწავლების ორგანიზებისა და მეთოდოლოგიის კურსით, სასწავლო აუდიო და ანიმაციური ვიდეო დისკების შექმნას და სხვ.;
- ნდობის აღდგენისა და შერიგების საკითხებში აფხაზეთის ა/რ მინისტრის აპარატის მხარდაჭერითა და თანამშრომლობით არასამთავრობო ორგანიზაციამ საქართველოს „SOS ბავშვთა სოფელმა“ ზუგდიდის მუნიციპალიტეტის სოფელ ინგირის №2 საჯარო სკოლაში პროექტის „ჯანსაღი ცხოვრების წესის

პოპულარიზაცია“ ფარგლებში გახსნა სპორტულ-გამაჯანსაღებელი კომპლექსი (სპორტული და სათამაშო მოედნები);

- პროგრამის - „სამშვიდობო ინიციატივები, სამოქალაქო ინტეგრაცია, ნდობის აღდგენის მხარდაჭერა და დიალოგისაკენ მიმართული შესაძლებლობების გაძლიერება“ ფარგლებში განხორციელდა პროექტი „ქართველი და აფხაზი ახალგაზრდების ჩართულობა ნდობის აღდგენისა და შერიგებისათვის“, რომელიც მიზნად ისახავდა კონფლიქტის შედეგად გახლეჩილ ქართველ და აფხაზ ახალგაზრდებს შორის კომუნიკაციისა და ურთიერთობების გაძლიერებას, ეროვნული კულტურული ღირებულებების შესახებ ინფორმაციის გაზიარებას, მონაწილეების მიერ სამომავლო თანამშრომლობის გეგმების შემუშავებას, ანალიტიკური აზროვნებისა და აქტიური მოქალაქეობის განვითარებას, რაც მნიშვნელოვანია ნდობის მშენებლობისათვის და კონფლიქტით დაზარალებული საზოგადოების წინაშე არსებული გამოწვევების დასაძლევად. პროექტის ფარგლებში მოეწყო დისკუსიები თემაზე „ქართულ-აფხაზური ურთიერთობები, წარსული და მომავალი“, ფოტოგამოფენა აფხაზეთის დღევანდელი მდგომარეობისა და დაკავშირებით, კულტურულ-საგანმანათლებლო ტური ძველ თბილისში. პროექტის მონაწილეები შეხვდნენ პატრიარქს. პროექტში მონაწილეობა მიიღო 20 ახალგაზრდამ (10 ქართველი და 10 აფხაზი);
- განხორციელდა პროგრამული პროექტი „სამშვიდობო რესურსები - ქართულ-აფხაზური ურთიერთობები და საქართველოს ევროპული მომავალი“, რომლის მიზანი იყო ინტერკულტურული მეგობრობის გაღრმავება, არაფორმალური დიალოგისათვის პლატფორმის შექმნა და ევროპული ღირებულებების შესახებ საზოგადოებრივი ცნობიერების ამაღლება, ქართულ-აფხაზური ტრადიციული ურთიერთობების პოპულარიზაცია. პროგრამა ითვალისწინებდა სხვადასხვა ქვეყნების საუკეთესო პრაქტიკის გადმოტანას და მის დანერგვას. წარმოდგენილი პროექტის ფარგლებში მოეწყო ონლაინ-გამოფენა;
- ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატმა პროგრამის „აფხაზეთის თემატიკაზე მომუშავე პროფესორების, დოქტორანტებისა და მაგისტრანტების ჩართულობა ნდობის აღდგენისა და შერიგების პროცესებში“ ფარგლებში, პროგრამული პრიორიტეტებიდან გამომდინარე, საქართველოს პრეზიდენტის სარეზერვო ფონდიდან მხარდაჭერისთვის მოამზადა დამატებითი პროექტი „მეცნიერება და რელიგია მომავლისათვის“, რომელმაც მიიღო ფინანსური მხარდაჭერა 42 000 ლარის ოდენობით. პროექტი განხორციელდა 2018 წლის 25-28 სექტემბერს რომში, საპიენსას უნივერსიტეტში და ფართო რეზონანსი გამოიწვია. პროექტის მიზანი იყო აქტიური ჩართულობა ინტერკულტურულ დიალოგში, კულტურული მემკვიდრეობის პოპულარიზაცია, განათლების ხელშეწყობა, სხვადასხვა ქვეყნების აკადემიური წრეების წარმომადგენლებისა და ახალგაზრდების

ურთიერთდაახლოება, რწმენისა და განათლების სინერგია და სამშვიდობო პლატფორმის შექმნა. პროექტის მონაწილეები იყვნენ სხვადასხვა ქვეყნების ახალგაზრდები და პროფესორები, სამთავრობო და არასამთავრობო ორგანიზაციის წარმომადგენლები, ქართული დიასპორის წარმომადგენლები. წარმოდგენილი პროექტის ფარგლებში ჩატარდა შემდეგი ღონისძიებები:

- სამეცნიერო კონფერენცია
- ახალგაზრდული კონფერენცია „ახალგაზრდობა და იდენტობა“
- ინტერკულტურული ვორკშოპი „რა გვაერთიანებს და რა გვაშორებს“
- მასტერკლასები „ქართული ფოლკლორი“
- გამოფენა ქართული კულტურული მემკვიდრეობა აფხაზეთში
- გამოფენა „ქართული კალიგრაფია“
- აფხაზეთიდან დევნილი, იტალიაში მოღვაწე ქართველი პუბლიცისტის რუსუდან ჟორჟოლიანის წიგნის პრეზენტაცია
- პროექტის ფარგლებში შექმნილი წიგნის პრეზენტაცია
- ფილმის „სიმინდის კუნძულის“ პრეზენტაცია და დებატები

აღსანიშნავია სსიპ „აფხაზეთის საინფორმაციო უზრუნველყოფის ცენტრის“ საქმიანობა. საანგარიშო პერიოდში მომზადდა და დაარქივდა სატელევიზიო მასალები. სისტემატურად შუქდებოდა დევნილთა სოციალური პრობლემები, ლეგიტიმური სტრუქტურების ყველა აქტივობა, სხვადასხვა კულტურული ღონისძიებები და საღამოები.

გარდა ამისა:

- ეთერში გავიდა სიუჟეტი ოკუპირებულ ტერიტორიაზე ქართული კულტურული მემკვიდრეობის ძეგლების სავალალო მდგომარეობის შესახებ;
- შეიქმნა რამდენიმე დოკუმენტური ფილმი:
 - 1993 წლის 15-16 მარტის მოვლენების შესახებ, რომლის პრეზენტაციაც შედგა კინოს სახლში;
 - „აფხაზეთობა“, რომელშიც მოთხრობილია 2018 წელს გამართული ტრადიციული სახალხო ზეიმი „აფხაზეთობა“;
 - ფილმი აფხაზეთის სახელმწიფო საგუნდო კაპელის შესახებ;
 - აფხაზეთის სიმღერისა და ცეკვის სახელმწიფო ანსამბლის სიახლეებზე და მომავლის გეგმებზე;
 - გასული საუკუნის 90-იანი წლების საქართველოში ჩატარებულ ტრადიციულ „რუხის შეხვედრებზე“;
 - ფილმი „ჩემი სახლისკენ მიმავალის გზა“, რომლის ჩვენება გაიმართა თბილისში არტ-გალერეაში და ბათუმში კულტურის სახლში;
 - „გამარჯვების უფლების გარეშე“, რომელიც გაშვებულ იქნა საზოგადოებრივი მაუწყებლის I არხის ეთერში;

- განახლდა ფილმი „მუხაჯირები აჭარაში“, რომლის ჩვენებაც შედგა საქართველოს პარლამენტის მცირე დარბაზში;
- დოკუმენტური ფილმებისათვის მფრინავი კამერა „დრონის“ საშუალებით გადაღებულ იქნა ბაგრატის ტაძარი, მცხეთის ჯვარი და სვეტიცხოველი, თბილისის სამების საკათედრო ტაძარი, ქ. ქუთაისში სსიპ „ბიზნესინკუბატორი“.

ცენტრის მიერ მოპოვებული ყველა სიუჟეტი იტვირთება იუთუბზე, სოციალურ ქსელსა და ვებ-გვერდზე.

სოციალური სფერო

ჯანდაცვა

2018 წლის 9 თვეში აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტრო, აფხაზეთის მოსახლეობისათვის სახელმწიფო ჯანდაცვითი პროგრამების მიღმა არსებული სადიაგნოსტიკო-სამკურნალო სერვისის ცალკეული სახეების ხელმისაწვდომობის მიზნით, ბიუჯეტის ფარგლებში, ახორციელებდა 4 მიზნობრივ პროგრამას:

- აფხაზეთიდან იძულებით გადაადგილებულ პირთა და მათი ოჯახის წევრთა (მეუღლე) ამბულატორიული დახმარების პროგრამა (ბიუჯეტი - 219 020 ლარი);
- აფხაზეთიდან იძულებით გადაადგილებულ პირთა და მათი ოჯახის წევრთა (მეუღლე) ჰოსპიტალური დახმარების პროგრამა (ბიუჯეტი - 39 683 ლარი);
- აფხაზეთიდან იძულებით გადაადგილებულ პირთა გასვლითი პროფილაქტიკური სამედიცინო გასინჯვების პროგრამა (ბიუჯეტი - 59 830 ლარი);
- აფხაზეთიდან იძულებით გადაადგილებულ პირთა სოციალური მხარდაჭერის პროგრამა (ბიუჯეტი - 27 200 ლარი).

ზემოხსენებული პროგრამები მოიცავს 16 ქვეპროგრამას/კომპონენტს, სადაც არსებითადაა გაზრდილი მიზნობრივი სამედიცინო სერვისების ჩამონათვალი. აღსანიშნავია, რომ დაწყებული 2017 წლიდან, აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტროს დამოუკიდებელი პროგრამების ჩამონათვალის რაოდენობრივი შემცირება განპირობებული იყო პროგრამების შემადგენლობაში სამედიცინო მომსახურებების პროფილური სერვისების კომპონენტების სახით დაჯგუფებით. კერძოდ, ამბულატორიული დახმარების პროგრამას კომპონენტის სახით შეუერთდა სამკურნალო რეაბილიტაციის პროგრამა, ხოლო სოციალური მხარდაჭერის პროგრამაში კომპონენტების სახით გადატანილ იქნა სამედიცინო პერსონალის გადამზადების 2 პროგრამა. ასევე, გამორიცხულია სახელმწიფო ჯანდაცვითი პროგრამებთან დუბლირება.

საანგარიშო პერიოდში აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტროს პროგრამები მოიცავდა შემდეგ კომპონენტებს:

- *აფხაზეთიდან იძულებით გადაადგილებულ პირთა და მათი ოჯახის წევრთა (მეუღლე) ამბულატორიული დახმარების პროგრამა*
 - კომპიუტერული ტომოგრაფიული გამოკვლევის (კონტრასტით) კომპონენტი მიმართული იყო რთულ შემთხვევებში დიაგნოზის ვერიფიცირებისათვის. პროგრამის ბიუჯეტი შეადგენდა 31 000 ლარს და განხორციელდა შპს „რეგიონულ ჰოსპიტალში“. პროგრამა მოიცავდა 200 ეპიზოდის დაფინანსებას. დაფინანსდა 135 ბენეფიციარის სამედიცინო მომსახურება (175 ეპიზოდი), რაც პროგრამის ბიუჯეტის 87,5%-ია. პროგრამულად დარჩენილია 3 875 ლარი (25 ეპიზოდი);
 - ბირთვული მაგნიტურ-რეზონანსული გამოკვლევების კომპონენტი ასევე მიმართული იყო რთულ შემთხვევებში დიაგნოზის ვერიფიცირებისათვის. პროგრამა ითვალისწინებდა გამოკვლევის ჩატარებას ნარკოზისა და კონტრასტის გარეშე, ანგიოგრაფიით და ნარკოზით. პროგრამის ბიუჯეტი შეადგენდა 73 999 ლარს და განხორციელდა შპს „რეგიონულ ჰოსპიტალში“. პროგრამა მოიცავდა 400 ეპიზოდის დაფინანსებას. ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 379 ბენეფიციარი (398 ეპიზოდი), რაც პროგრამის ბიუჯეტის 99,3%-ია. პროგრამულად დარჩენილია 483,8 ლარი (2 ეპიზოდი);
 - ინსტრუმენტული გამოკვლევების კომპონენტი ითვალისწინებდა ბენეფიციართა უფასო კვალიფიციური სამედიცინო დახმარების ხელმისაწვდომობას ინსტრუმენტული გამოკვლევების მიღებაში. პროგრამის განხორციელებისათვის გამოცხადდა ორი ელექტრონული ტენდერი. პირველი ტენდერის საფუძველზე გამარჯვებული გახდა შპს „ავერსის კლინიკა“ (ბიუჯეტი - 14000 ლარი). პროგრამა ითვალისწინებდა თავის ტვინისა და ქვედა კიდურების დოპლეროგრაფიას, ეზოფაგოდუოდენოსკოპიას, ციფრულრენტგენოგრაფიას, ექტროენცეფალოგრაფიას, კოლპოსკოპიას (230 ეპიზოდი). დაფინანსდა 200 ბენეფიციარის სამედიცინო მომსახურება (207 ეპიზოდი). ათვისებულმა თანხამ შეადგინა 13 055 ლარი, რაც პროგრამის ბიუჯეტის 93%-ია. პროგრამულად დარჩენილია 945 ლარი (23 ეპიზოდი).
- პროგრამით გათვალისწინებულ ცალკეულ კომპონენტებზე გაზრდილი მომართვიანობის გამო გამოცხადდა მეორე ტენდერი, სადაც გამარჯვებული გახდა სს.ერისთავის სახელობის ექსპერიმენტული და კლინიკური ქირურგიის ეროვნული ცენტრი“, რომელთანაც დაიდო ხელშეკრულება 2 887 ლარზე. პროგრამა ითვალისწინებდა 70 ეპიზოდის დაფინანსებას (თავის ტვინისა და ქვედა კიდურების დოპლეროგრაფიას, ეზოფაგოდუოდენოსკოპიას, ციფრულ რენტგენოგრაფიას). მეორე ტენდერის ფარგლებში დაფინანსდა 25 ბენეფიციარის სამედიცინო მომსახურება (30 ეპიზოდი). ანაზღაურებულმა თანხამ შეადგინა

1 160 ლარს, რაც პროგრამის ბუჯეტის 40%-ია. პროგრამულად დარჩენილია 1 727 ლარი (40 ეპიზოდი).

ამრიგად, ორივე ტენდერის ჯამში დაფინანსდა 225 ბენეფიციარი (237 ეპიზოდი). ანაზღაურებულმა თანხამ შეადგინა 14 215 ლარი.

- ორთოპედიული (სტომატოლოგიური პროთეზირება) მომსახურების კომპონენტი ითვალისწინებდა ორთოპედიულ მკურნალობას (ზედა და ქვედა ყბის ნაწილობრივი ან სრული მოსახსნელი პლასტმასის კონსტრუქცია). პროგრამა განხორციელდა ორ ეტაპად. პირველი ტენდერის შედეგად გამარჯვებული გახდა შპს „32 დენტი“ (ბიუჯეტი 11 000 ლარი). პროგრამა ითვალისწინებდა 100 ეპიზოდის დაფინანსებას. ერთეულის ფასი შეადგენდა 110 ლარს. დაფინანსდა 55 ბენეფიციარის სამედიცინო მომსახურება (100 ეპიზოდი). ანაზღაურებულმა თანხამ შეადგინა 11 000 ლარი (100%). პროგრამა დასრულდა.

პროგრამაზე გაზრდილი მოთხოვნის გამო გამოცხადდა ახალი ელექტრონული ტენდერი (ბიუჯეტი -14000 ლარი). გამარჯვებული გახდა შპს „32 დენტი“. პროგრამა ითვალისწინებდა 100 ეპიზოდის დაფინანსებას. ერთეულის ფასი შეადგენდა 140 ლარს. დაფინანსდა 30 ბენეფიციარის სამედიცინო მომსახურება (55 ეპიზოდი). ანაზღაურებულმა თანხამ შეადგინა 7 700 ლარი, რაც პროგრამის ბუჯეტის 55%-ია. ამრიგად, ორივე ტენდერის ჯამში დაფინანსდა 85 ბენეფიციარი (155 ეპიზოდი), ანაზღაურებულმა თანხამ შეადგინა 18 700 ლარი.

- სამკურნალო რეაბილიტაციის კომპონენტი ითვალისწინებდა დევნილთათვის სარეაბილიტაციო მკურნალობის უზრუნველყოფას. პროგრამის ბიუჯეტი შეადგენდა 27 000 ლარს. ელექტრონულ ტენდერში გაიმარჯვა შპს „დავით ტატიშვილის სპორტული მედიცინისა და რეაბილიტაციის ცენტრი“, რომელთანაც გაფორმა ხელშეკრულება 21 604 ლარზე (75 ბენეფიციარის დაფინანსება). ეკონომიამ შეადგინა 5 396 ლარი. საანგარიშო პერიოდში ინდივიდუალური სამედიცინო დახმარების კომისიის გადაწყვეტილებით დაფინანსდა 65 ბენეფიციარი (1 365 ეპიზოდი). ანაზღაურებულმა თანხამ შეადგინა 17 571,6 ლარი (81%). პროგრამულად დარჩენილია 4 032,4 (10 ბენეფიციარის მომსახურება);

- მხედველობის ორგანოს სკრინინგული გამოკვლევის კომპონენტის მიზანს წარმოადგენდა ბენეფიციართა უფასო კვალიფიცირებული სამედიცინო დახმარების ხელმისაწვდომობა. პროგრამის ბიუჯეტი განისაზღვრა 10 000 ლარით. ელექტრონულ ტენდერში გაიმარჯვა შპს „ავერსის კლინიკა“, რომელთანაც გაფორმდა ხელშეკრულება 10 000 ლარზე. პროგრამა ითვალისწინებდა ექიმ-სპეციალისტთა კონსულტაციებს, მხედველობის სიმახვილის განსაზღვრას, ოფთალმოსკოპიას, რეოგანას ტოპოგრაფიას, კოჰერენტულ ტომოგრაფიას და კომპიუტერულ პერიმეტრიას (სულ 194 ეპიზოდი).

საანგარიშო პერიოდში ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 112 ბენეფიციარის სამედიცინო მომსახურება (166 ეპიზოდი). ანაზღაურებულმა თანხამ შეადგინა 8 798 ლარი (88%). პროგრამულად დარჩენილია 1 202 ლარი (28 ეპიზოდი);

- რეპროდუქციული ჯანმრთელობის გაუმჯობესების კომპონენტის მიზანს წარმოადგენდა თანამედროვე მაღალტექნოლოგიური კვლევისა და მკურნალობის მეთოდების დახმარებით წყვილთა უნაყოფობის დიაგნოსტიკა.

ელექტრონულ ტენდერში გამარჯვებული გახდა შპს აკ. ვ. ივერიელის სახელობის ენდოკრინოლოგია-მეტაბოლოგია-დიეტოლოგიის ცენტრი „ენმედიცი“, რომელთანაც გაფორმდა ხელშეკრულება 4 850 ლარზე. პროგრამა ითვალისწინებდა ექიმ-სპეციალისტთა კონსულტაციებს, კლინიკო-ლაბორატორიულ გამოკვლევებს (88 ეპიზოდი). საანგარიშო პერიოდში დაფინანსდა 14 ბენეფიციარის ამბულატორიული მომსახურება (84 ეპიზოდი). ანაზღაურებულმა თანხამ შეადგინა 4 640 ლარი (96%). პროგრამულად დარჩენილია 210 ლარი (4 ეპიზოდი);

- სისხლის მიმოქცევის სისტემის სკრინინგული გამოკვლევების კომპონენტის მიზანს წარმოადგენდა სისხლის მიმოქცევის სისტემის დაავადებათა ადრეული დიანოსტიკა და გართულებათა პრევენცია. პროგრამის ბიუჯეტი განსაზღვრული იყო 6 800 ლარით. ელექტრონული ტენდერის შედეგად გამარჯვებული გახდა შპს „ავერსის კლინიკა“. პროგრამა ითვალისწინებდა ექიმ-კარდიოლოგის კონსულტაციას და ექოკარდიოგრაფიას, სრული ლიპიდური სპექტრის განსაზღვრას, 24-საათიანი ეკგ მონიტორინგს და ფიზიკური დატვირთვის სინჯს-პრედმილს (140 ეპიზოდი). საანგარიშო პერიოდში ინდივიდუალური სამედიცინო დახმარების დადებითი გადაწყვეტილებით დაფინანსდა 69 ბენეფიციარის სამედიცინო მომსახურება (133 ეპიზოდი). ანაზღაურებულმა თანხამ შეადგინა 6 440 ლარი (95%). პროგრამულად დარჩენილია 360 ლარი (7 ეპიზოდი).

პროგრამით გათვალისწინებული ცალკეულ კომპონენტებზე გაზრდილი მომართვიანობის გამო გამოცხადდა ახალი ტენდერი, სადაც გამარჯვებული გახდა სს.ერისთავის სახელობის ექსპერიმენტული და კლინიკური ქირურგიის ეროვნული ცენტრი“, რომელთანაც დაიდო ხელშეკრულება 3 600 ლარზე. პროგრამა ითვალისწინებდა 120 ეპიზოდის დაფინანსებას (ექიმ-კარდიოლოგის კონსულტაციას და ექოკარდიოგრაფიას, სრული ლიპიდური სპექტრის განსაზღვრას, 24 საათიანი ეკგ მონიტორინგს). დაფინანსდა 14 ბენეფიციარის სამედიცინო მომსახურება (26 ეპიზოდი). ანაზღაურებულმა თანხამ შეადგინა 897,5 ლარი (25%). პროგრამულად დარჩენილია 2 702,5 ლარი (94 ეპიზოდი).

ამრიგად, ორივე ტენდერის შედეგად დაფინანსდა სულ 83 ბენეფიციარი (159 ეპიზოდი). ანაზღაურებულმა თანხამ შეადგინა 7 337,5 ლარი;

- ლაბორატორიული კვლევების კომპონენტის მიზანია აფხაზეთიდან დევნილი მოსახლეობის უფასო, კვალიფიციური სამედიცინო დახმარების ხელმისაწვდომობა აღნიშნული გამოკვლევების მიღებაში დაფინანსების გზით. პროგრამის ბიუჯეტი განისაზღვრა 7600 ლარით. ელექტრონულ ტენდერში გამარჯვებული გახდა შპს „ა.კ. ვ.ივერიელის სახელობის ენდოკრინოლოგია-მეტაბოლოგია-დიაბეტოლოგიის ცენტრი ენმედიცი“, რომელთანაც დაიდო ხელშეკრულება 6 070 ლარზე. პროგრამა ითვალისწინებს 40 ეპიზოდის დაფინანსებას (წვრილნემსიანი ასპირაციული ბიოფსია FNA ულტრაბგერის კონტროლით-20 და სხვადასხვა ბიოფსიური მასალის მორფოლოგია და იმუნოჰისტოქიმია-20). დაფინანსდა 16 ბენეფიციარის სამედიცინო მომსახურება (23 ეპიზოდი). ანაზღაურებულმა თანხამ შეადგინა 2 789,1 ლარი (50%). პროგრამულად დარჩენილია 3 280,1 ლარი (17 ეპიზოდი);
- აბილიტაციის კომპონენტის მიზანს წარმოადგენდა მენტალური განვითარების დარღვევის მქონე ბავშვთა მაქსიმალური სოციალური ადაპტაცია და საზოგადოების დამოუკიდებელ და აქტიურ წევრად ჩამოყალიბების შესაძლებლობის ფორმირება. პროგრამის განსახორციელებლად ჩატარდა ტენდერი 19 550 ლარზე, რომელშიც გაიმარჯვა „სარეაბილიტაციო და სოციალური ადაპტაციის ცენტრმა აისი“ 19 210 ლარით. პროგრამა ითვალისწინებდა 34 ბენეფიციარის დაფინანსებას. პროგრამის განხორციელება დაიწყო მეორე კვარტლიდან. დაფინანსდა 12 ბენეფიციარის სამედიცინო მომსახურება (252 ეპიზოდი). ანაზღაურებულმა თანხამ შეადგინა 3 440 ლარი (18%). პროგრამულად დარჩენილია 15 770 ლარი (22 ბენეფიციარის მომსახურება);
- *აფხაზეთიდან იძულებით გადაადგილებულ პირთა, მათი ოჯახის წევრთა (მეუღლე), ჰოსპიტალური მკურნალობის პროგრამა*
 - კორონარული ანგიოგრაფიის კომპონენტი. ელექტრონულ ტენდერში გაიმარჯვა შპს „ნიუ ჰოსპიტალსმა“, რომელთანაც გაფორმდა ხელშეკრულება 13 555 ლარზე. პროგრამა მოიცავდა 24 ეპიზოდის დაფინანსებას. დაფინანსდა 24 ბენეფიციარის სამედიცინო მომსახურება. ანაზღაურებულმა თანხამ შეადგინა 13 555 ლარი (100%);
 - მენჯ-ბარძყის სახსრის ტოტალური ენდოპროთეზით მომსახურების კომპონენტის განხორციელებისათვის გამოცხადებულ ტენდერში გამარჯვებული გახდა შპს „აკადენიკოს ო. ლუდუშაურის სახელობის ეროვნული სამედიცინო ცენტრი“ 21 128 ლარით. ეკონომიამ შეადგინა 317 ლარი. პროგრამა ითვალისწინებდა 10 ეპიზოდის დაფინანსებას. საანგარიშო პერიოდში დაფინანსდა 6 ბენეფიციარის სამედიცინო მომსახურება (6 ეპიზოდი). ანაზღაურებულმა თანხამ შეადგინა 15 676,8 ლარი (60%). პროგრამულად დარჩენილია 10 451,2 ლარი (4 ბენეფიციარის მომსახურება).

ამრიგად, მიმდინარე წლის 9 თვეში ჯანდაცვითი პროგრამების ფარგლებში (გარდა პროფსამედიცინო გასინჯვებისა) დახმარება გაეწია 1 156 ბენეფიციარს (3 044 ეპიზოდი).

საანგარიშო პერიოდში აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტროს მიერ სულ ჯანდაცვითი პროგრამების ფარგლებში (გარდა პროფსამედიცინო გასინჯვებისა) დახმარება გაეწია 1 156 ბენეფიციარს (3 044 ეპიზოდი).

- აფხაზეთიდან იგპ-თა გასვლითი პროფილაქტიკური სამედიცინო გასინჯვების პროგრამის მიზანს წარმოადგენდა ადგილზე ინსტრუმენტული და ლაბორატორიული გამოკვლევების გზით ავადობის აქტიური გამოვლენა, დევნილთა მედიკამენტებითა და ჰუმანიტარული ტვირთით უზრუნველყოფა.

პროგრამის ბიუჯეტი განისაზღვრა 60 000 ლარით. პროგრამის მედიკამენტებით უზრუნველყოფისათვის განხორციელდა ელექტრონული ტენდერი 45 000 ლარზე, რომელშიც გამარჯვებული გახდა შპს „ავერსი ფარმა“. გაფორმდა ხელშეკრულება 44 300 ლარის ღირებულების 68 დასახელების მედიკამენტზე. ეკონომიამ შეადგინა 700 ლარი. საანგარიშო პერიოდში, პროგრამის ფარგლებში:

- სამცხე-ჯავახეთის რეგიონში (ქ. ბორჯომი) გაისინჯა 220-მდე მოქალაქე, განხორციელდა 700-მდე ვიზიტი ექიმ-სპეციალისტთან. C ჰეპატიტის სკრინინგი ჩატარდა 70 ბენეფიციარს, რომელთაგან დადებითი პასუხი დაუფიქსირდა 3-ს. აქციის პერიოდში, დევნილი პაციენტებისათვის, ჩვენებების მიხედვით, გაცემულია 5 886,13 ლარის ღირებულების მედიკამენტები;
- სამცხე-ჯავახეთის რეგიონში (ახალციხი მუნიციპალიტეტი) გაისინჯა 60-მდე მოქალაქე, განხორციელდა 300-მდე ვიზიტი ექიმ-სპეციალისტთან. ბენეფიციართა შორის იყვნენ როგორც აფხაზეთიდან იგპ-ები, ასევე ადგილობრივი მოსახლეობა. C ჰეპატიტის სკრინინგი ჩატარდა 29 ბენეფიციარს, რომელთაგან დადებითი პასუხი დაუფიქსირდა 2-ს. სულ გაიცა 2 777,32 ლარის ღირებულების მედიკამენტები;
- სამედიცინო გასინჯვები ჩატარდა სამეგრელო-ზემო სვანეთის რეგიონში (ფოთისა და ხობის მუნიციპალიტეტები). კერძოდ:
 - ქ. ფოთში გაისინჯა 320-მდე მოქალაქე, განხორციელდა 850-მდე ვიზიტი ექიმ-სპეციალისტთან. მოსახლეობა. C ჰეპატიტის სკრინინგი ჩატარდა 26 ბენეფიციარს, რომელთაგან დადებითი პასუხი დაუფიქსირდა 2-ს;
 - ქ. ხობში გაისინჯა 80-მდე ბენეფიციარი, განხორციელდა 300-მდე ვიზიტი ექიმ-სპეციალისტთან. C ჰეპატიტის სკრინინგი ჩატარდა 6 ბენეფიციარს, რომელთაგან დადებითი პასუხი დაუფიქსირდა 1-ს.

ბენეფიციართა შორის იყვნენ როგორც აფხაზეთიდან იგპ-ები, ასევე ადგილობრივი მოსახლეობა. ღონისძიებაში მონაწილე დევნილ მოსახლეობაზე ექიმების დანიშნულების მიხედვით გაიცა სულ 7 431, 93 ლარის ღირებულების მედიკამენტები.

- გასვლითი ღონისძიება განხორციელდა კახეთის რეგიონში (თელავი, გურჯაანის მუნიციპალიტეტის სოფელი ბაკურციხე):
 - თელავში გაისინჯა 70 მოქალაქე, განხორციელდა 150-მდე ვიზიტი ექიმ-სპეციალისტთან;
 - ბაკურციხეში გაისინჯა 50-მდე ბენეფიციარი, განხორციელდა 200-მდე ვიზიტი ექიმ-სპეციალისტთან. C ჰეპატიტის სკრინინგი ჩაუტარდა 24 ბენეფიციარს, რომელთაგან დადებითი პასუხი დაუფიქსირდა 1-ს. ღონისძიებაზე დაიხარჯა 5 019,58 ლარის მედიკამენტი;
- იმერეთის რეგიონში (სამტრედიიდან მუნიციპალიტეტი) გაისინჯა 150 მოქალაქე, განხორციელდა 550-მდე ვიზიტი ექიმ-სპეციალისტთან. C ჰეპატიტისა და შიდსის სკრინინგი ჩაუტარდა 52 ბენეფიციარს, რომელთაგან დადებითი პასუხი დაუფიქსირდა 4-ს. ღონისძიებაზე დაიხარჯა 3 239,72 ლარის მედიკამენტი;
- პროგრამის ფარგლებში ჩატარდა გასვლითი ღონისძიება ჩატარდა აჭარის რეგიონში (ქ. ბათუმი, ბენზეს დასახლება, ქ. ქობულეთი). ორივე ქალაქში გაისინჯა 286 მოქალაქე, განხორციელდა 955 ვიზიტი ექიმ-სპეციალისტებთან. ბენეფიციართა შორის 28 დევნილი იყო ტრანსპორტირებული დაბა ჩაქვიდან. ქ. ბათუმში C ჰეპატიტისა და შიდსის სკრინინგი ჩაუტარდა 58 ბენეფიციარს, დადებითი პასუხი არ აღმოაჩნდა არავის, ხოლო ქ. ქობულეთში გასინჯული 15 ბენეფიციარიდან 1 შემთხვევაში დაფიქსირდა დადებითი პასუხით. ღონისძიებაზე გაიხარჯა 7117,19 ლარის მედიკამენტი.

ამრიგად, საანგარიშო პერიოდში „აფხაზეთიდან იძულებით გადაადგილებულ პირთა გასვლითი პროფილაქტიკური სამედიცინო გასინჯვების“ პროგრამის ფარგლებში გასინჯულია 916 ბენეფიციარი, განხორციელდა 3 255 მდე ვიზიტი ექიმ-სპეციალისტებთან. გაიცა 31 471,86 ლარის მედიკამენტი. C ჰეპატიტის სკრინინგი ჩაუტარდა 274 ბენეფიციარს, დადებითი პასუხი მიღებულ იქნა 14 შემთხვევაში.

- აფხაზეთიდან იძულებით გადაადგილებულ პირთა სოციალური მხარდაჭერის პროგრამის მიზანს წარმოადგენდა იგპ-თა სოციალური მხარდაჭერა, მოსარგებლეებისათვის უფასო და ხარისხიანი სასწავლო-მიზნობრივი პროგრამების მიწოდება, სახსრების ენდოპროთეზირების ჩატარებაზე ფინანსური ხელმისაწვდომობის უზრუნველყოფა, ჯანმრთელობის დაცვა და ცხოვრების ხარისხის გაუმჯობესება. პროგრამა წარმოდგენილ იყო 3 კომპონენტით:
 - მენჯ-ბარძაყის სახსრის ტოტალური ენდოპროთეზით მომსახურების კომპონენტის ბიუჯეტი ითვალისწინებდა მენჯ-ბარძაყის სახსრის ენდოპროთეზის შესყიდვას 10

ბენეფიციარისათვის. ტენდერში გაიმარჯვა შპს „ივერმედმა“, რომელთანაც გაფორმდა ხელშეკრულება 19 200 ლარზე. დაფინანსდა 6 ბენეფიციარი. ანაზღაურებულმა თანხამ შეადგინა 12 550 ლარი (65%). პროგრამულად დარჩენილია 10 451,2 ლარი (4 ბენეფიციარის მომსახურება);

- საშუალო სამედიცინო პერსონალის (ექთანი) გადამზადების კომპონენტის ბიუჯეტმა შეადგინა 8 000,0 ლარი. ელექტრონულ ტენდერში გაიმარჯვა სსიპ თბილისის სახელმწიფო სამედიცინო უნივერსიტეტმა. ითვალისწინებდა 20 საშუალო სამედიცინო პერსონალის/ექთნის გადამზადებას, მათ შორის აფხაზეთის ოკუპირებულ ტერიტორიაზე არსებულ სამედიცინო დაწესებულებებში მომუშავე ექთნების გადამზადებას. ერთი საშუალო სამედიცინო პერსონალის გადამზადების ღირებულებაა 400 ლარი.

პროგრამა დასრულდა. გადამზადების კურსო გაიარა 20 ექთანმა. ანაზღაურებულმა თანხამ შეადგინა 800 ლარი (100%);

- აფხაზეთიდან იძულებით გადაადგილებულ პირთა ჰოსპიტალური მკურნალობის დაფინანსების ხელშეწყობის პროგრამა ამოქმედდა მესამე კვარტალში. ბიუჯეტმა შეადგინა 50 000 ლარი. პროგრამის მიზანია დევნილ ავადმყოფთა სტაციონარული/ჰოსპიტალური მკურნალობის ღირებულების თანადაფინანსების თანხების ანაზღაურებაში წილობრივი მონაწილეობით მოქალაქეთათვის ადეკვატური სამედიცინო დახმარების ხელმისაწვდომობასა და დროულ მიღებაში ფინანსური მხარდაჭერა.

საანგარიშო პერიოდში ჩატარდა აფხაზეთის ავტონომიური რესპუბლიკის ჯანმრთელობისა და სოციალური დაცვის მინისტრის ბრძანებით შექმნილი აფხაზეთიდან იძულებით გადაადგილებულ პირთა ჰოსპიტალური მკურნალობის დაფინანსების ხელშეწყობის კომისიის 4 სხდომა. განხილულ იქნა 37 ბენეფიციარის განცხადება, მათგან 3 ბენეფიციარს ეთქვა უარი, ხოლო 34 შემთხვევაში მიღებულ იქნა დადებითი გადაწყვეტილება, რომელთა სამედიცინო მომსახურების ღირებულებამ შეადგინა სულ 17 112 ლარი.

აფხაზეთიდან იძულებით გადაადგილებულ პირთა სოციალური მხარდაჭერის პროგრამის ფარგლებში 2017 წელს შესყიდული იქნა 50 წნევის აპარატი, 15 ნებულაიზერი, 30 გლუკომეტრი და ტესტ-ჩხირი (N50) 27 შეფუთვა საერთო ღირებულებით 2 989 ლარი, ასევე მძიმე პაციენტთა მოვლის 13 დასახელების საშუალებები საერთო ღირებულებით 1 911 ლარი. სამინისტროში შემოსული განცხადებების საუბველზე 2018 წლს გაცემულია ორი გლუკომეტრი ტესტ-ჩხირით, ერთი წნევის აპარატი, ხოლო მძიმე პაციენტთა მოვლის საშუალებები გაიცა სრულად.

გარდა ამისა, საანგარიშო პერიოდში სამინისტროს შუამდგომლობით, ორგანიზაციასთან „საქართველოს ქალები მშვიდობისა და სიცოცხლისათვის“ მიერ 20 ბენეფიციარს (მათ შორის 2 - ოკუპირებულ ტერიტორიაზე) გადაეცა ინვალიდის ეტლი.

საანგარიშო პერიოდში აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტროს დახმარებისათვის მომართა აფხაზეთში მცხოვრებმა 261 პირმა. გრძელდებოდა აფხაზ პაციენტთა თანმხლები პირების დროებითი საცხოვრებლით უზრუნველყოფის პროექტის განხორციელება. რეფერალური ობიექტით (საცხოვრისი) ისარგებლა ოკუპირებული აფხაზეთის ტერიტორიაზე ლეგიტიმურად მცხოვრებმა 24 ბენეფიციარმა თანმხლებ პირებთან ერთად. თითოეული მოსარგებლის ჩასახლება აღნიშნულ ობიექტზე განხორციელდა „აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტროს რეფერალური ობიექტით სარგებლობის წესის“ შესაბამისად.

განათლება, კულტურა, სპორტი

საანგარიშო პერიოდში აფხაზეთის ავტონომიური რესპუბლიკის განათლებისა და კულტურის სამინისტროს მიერ განხორციელდა შემდეგი პროგრამები და ქვეპროგრამები:

- „სასკოლო ინფრასტრუქტურისა და სასწავლო გარემოს გაუმჯობესება“

ქვეპროგრამის ფარგლებში სარემონტო მასალების შესაძენად დაფინანსდა:

- ვოვა ვეკუას სახელობის აფხაზეთის N3 საჯარო სკოლა - 486 ლარით სანათი მოწყობილობების შესაძენად;
- ილია ვეკუას სახელობის აფხაზეთის N11 საჯარო სკოლა - 2 700 ლარით სკოლის მეორე სართულიდან გასასვლელი კიბის აღსადგენად;
- აფხაზეთის N14 საჯარო სკოლა - 4 770 ლარით საკლასო ოთახებისათვის კარ-ფანჯრის შესაძენად;
- აფხაზეთის N12 საჯარო სკოლა - 1 500 ლარით სკოლის რემონტისათვის საჭირო მასალების შესაძენად;
- აფხაზეთის N15 საჯარო სკოლა - 3 430 ლარით კარების შესაძენად;
- აფხაზეთის N21 საჯარო სკოლა - 2097,50 ლარით სკოლის მიმდინარე რემონტისათვის (კედლების შელესვა/შეღებვა, იატაკის შეღებვა, ასევე სახურავის შეკეთებისათვის) საჭირო მასალების შესაძენად;
- თემურ ბოკუჩავას სახელობის აფხაზეთის N7 საჯარო სკოლა - 3 385 ლარით სკოლის მიმდინარე რემონტისათვის (სკოლის საპირფარეშოების ჭერის გამოცვლა, ასევე სკოლის შესასვლელი კიბის უჯრედისა და კედლების შელესვა-შეღებვა-მოპირკეთება, დაზიანებული დერეფნის მონაკვეთების რემონტისათვის) საჭირო მასალების შეძენის მიზნით;

- აფხაზეთის N1 საჯარო სკოლა - 1 617,50 ლარით სკოლის მიმდინარე რემონტისათვის (სკოლის ოთახის კედლებიდან ამორტიზირებული შელესვის მოსხნა, ამორტიზირებული შეფითხვისა და საღებავის ჩამოფხეკა, დემონტირებულ ადგილას კედლის შელესვა-შეღებვა, ხის იატაკის შეღებვა, ჩამოშლილი უკანა კედლის აღდგენა, არსებული იდენტური, მოთუთიებული წყალჩამომშვები მილების მოწყობა-ჩამატება გასაშლელი სახანძრო კიბის საშუალოებით) საჭირო მასალების შეძენის მიზნით;
- ჟიული შარტავას სახელობის აფხაზეთის N6 საჯარო სკოლა - 1 900 ლარით სკოლის კიბის მოაჯირის შესაცვლელად;
- აფხაზეთის N3 საჯარო სკოლა - 828,08 ლარით ტექნიკის (მინი ცენტრის (230 ლარი) მეხსიერების ბარათების (40 ლარი), პრინტერისა და კარტრიჯის (558,08 ლარი)) შეძენის მიზნით;
- ოკუპირებული გალის რაიონის 30 საჯარო სკოლა - 10 381,22 ლარით საკანცელარიო ნივთის შეძენის მიზნით.

• „წარმატებული ახალგაზრდების მხარდაჭერის პროგრამა“

საანგარიშო პერიოდში განხილულ იქნა 168 განცხადება. პროექტით განსაზღვრული კრიტერიუმების მიხედვით დაფინანსდა 143 წარმატებული ახალგაზრდა აფხაზეთიდან.

• „კარიერის დაგეგმვის, პროფესიული განათლებისა და სკოლებში სახელობო-შემოქმედებითი ინიციატივების ხელშეწყობა“

ქვეპროგრამის ფარგლებში, გრძელდებოდა თანამშრომლობა სკოლებსა და პროფესიულ საგანმანათლებლო დაწესებულებებს შორის. თემურ ბოკუჩავას სახელობის აფხაზეთის №7 საჯარო სკოლამ განაახლა თანამშრომლობის მემორანდუმი შოთა მესხიას ზუგდიდის სასწავლო უნივერსიტეტთან 5 წლის ვადით. შედეგად, მომზადდა ერთობლივი პროექტები საქართველოს განათლებისა და მეცნიერების სამინისტროს „შრომითი უნარების განვითარება სკოლაში“ ქვეპროგრამის ფარგლებში გამოცხადებულ კონკურსში მონაწილეობის მიღების მიზნით. ასევე, სკოლა აგრძელებდა თანამშრომლობას საზოგადოებრივ კოლეჯთან „ფაზისი“, რომლის ფარგლებში დაიგეგმა სხვადასხვა აქტივობების განხორციელება.

გარდა ამისა, საანგარიშო პერიოდში, კომისიის მიერ დადებითად გადაწყდა საჭირო თანხის გამოყოფის საკითხი. კერძოდ:

- აფხაზეთის №3 საჯარო სკოლას – 369,50 ლარი ნაჭრების შესაძენად;
- აფხაზეთის №12 საჯარო სკოლას – 400 ლარი თიხაზე სამუშაო მასალების შესაძენად;

- აფხაზეთის №5 საჯარო სკოლას – 487,5 ლარი დეკუპაჟის წრისათვის საჭირო მასალების შესაძენად;
- აფხაზეთის №7 საჯარო სკოლას – 400 ლარი ქსოვილის შესაძენად;

- „დიმიტრი (არზაყან) ემუხვარისა და ჟიული შარტავას სახელობის სტიპენდიები“

ქვეპროგრამის ფარგლებში დაფინანსდა დიმიტრი (არზაყან) ემუხვარისა და ჟიული შარტავას სახელობის 4 სტუდენტი. მესამე კვარტალში ქვეპროგრამის ფარგლებში შექმნილმა კომისიამ განიხილა უმაღლესი საგანმანათლებლო დაწესებულებებიდან შემოსული 9 წარდგინება. ჟიული შარტავას სტიპენდია მიენიჭა 2 სტუდენტს;

- „თანაბარი შესაძლებლობები - თანაბარი მზრუნველობა“

დაუნის სინდრომის დღესთან დაკავშირებით შეზღუდული შესაძლებლობის მქონე 25 მოზარდისათვის ზაალ სულაკაურის გასართობ ცენტრში მოეწყო გასართობი ღონისძიება ჯამბაზებისა და ანიმატორების მონაწილეობით. ზაალ სულაკაურის მიერ ჩატარდა ხატვის მასტერკლასი. ყველა მონაწილეს გადაეცა სამახსოვრო საჩუქარი. გარდა ამისა, შშმ მოზარდებისათვის მოეწყო ექსკურსია ანანურის ციხის, შიო მღვიმის მონასტრისა და ბაზალეთის ტბის მიმართულებით;

- „საზაფხულო ბანაკი“

მაღალი აკადემიური მოსწრების, საზოგადოებრივ და სასკოლო ცხოვრებაში აქტიური ჩართულობის მიხედვით შერჩეულმა 32 მოზარდმა აფხაზეთის საჯარო და ოკუპირებული გალის რაიონის სკოლებიდან დაისვენა ქობულეთში და გაიუმჯობესა ჯანმრთელობა. მოსწავლეები ჩართული იყვნენ სამოქალაქო ცნობიერების, კულტურულ-შემეცნებით და სპორტულ-გამაჯანსაღებელ აქტივობებში. ბანაკის ბენეფიციარებს ჩაუტარდათ ტრენინგები თემებზე: გარემოსდაცვითი განათლება, ჯანსაღი ცხოვრების წესი (შიდსის, ნარკომანიის პრევენცია, სამშვიდობო განათლების მთავარი პრინციპები და სხვა. გარემოსდაცვითი და ეკოლოგიური ცნობიერების ამაღლების მიზნით, კავკასიის გარემოსდაცვითი არასამთავრობო ორგანიზაცია CENN-ის წარმომადგენლებმა მოსწავლეებს ჩაუტარეს ეკო-გაკვეთილები და ტრენინგები. გაიმართა საუბრები გენდერული თანასწორობის, ტოლერანტობის თაობაზე. ბანაკის ყველა მონაწილეს გადაეცა მონაწილის სერტიფიკატი;

- „აკადემიკოს ილია ვეკუას სახელობის სტიპენდია“

ქვეპროგრამის ფარგლებში შექმნილმა კომისიამ სოხუმის სახელმწიფო უნივერსიტეტის საბუნებისმეტყველო მეცნიერებათა და ჯანდაცვის ფაკულტეტისა და ეკოლოგიის საბაკალავრო პროგრამის მე-4 კურსის სტუდენტს მიანიჭა ილია ვეკუას სახელობის სტიპენდია;

- აფხაზეთის მეცნიერთა მხარდაჭერის პროგრამა

პროექტის ფარგლებში დაფინანსდა ასისტენტ-პროფესორის ნუგზარ კერესელიძის მგზავრობა იტალიაში (ფლორენცია), საერთაშორისო კონფერენციაზე. ასევე, ახალგაზრდა მეცნიერების საზღვარგარეთ სწავლებასთან დაკავშირებული მგზავრობის ხარჯები;

- „აფხაზეთის მოზარდები მედია პროექტში „ეტალონი“

მედიაპროექტში მონაწილეობა მიიღო აფხაზეთის საჯარო და გალის რაიონის სკოლების 54 მოზარდმა. გამარჯვებული გახდა ოკუპირებული გალის რაიონის თავილონის საშუალო სკოლის მოსწავლე.

- „საღამოები“

- საქართველოს პარლამენტის ეროვნული ბიბლიოთეკის საგამოფენო დარბაზში გაიმართა პოეტ გენო კალანდიას ხსოვნისადმი მიძღვნილი ლიტერატურული საღამო;
- ბავშვთა დაცვის საერთაშორისო დღესთან დაკავშირებით, „კონგერს-ჰოლის“ საკონცერტო დარბაზში გაიმართა აფხაზეთის ბავშვთა ქორეოგრაფიული ანსამბლის კონკურსი;

- „აფხაზეთის დღე“

ქვეპროგრამის ფარგლებში:

- აფხაზეთის სახელმწიფო საგუნდო კაპელამ, აფხაზეთის დღისადმი მიძღვნილი ღონისძიებების ფარგლებში „თბილისის ივენთ ჰოლში“ გამართა კონცერტი სახელწოდებით „ქართული მუსიკა ზვიად ბოლქვაძესა და აფხაზეთის კაპელასთან ერთად“;
- აფხაზეთის სიმღერისა და ცეკვის სახელმწიფო ანსამბლმა „აფხაზეთი“ „აფხაზეთის დღესთან“ დაკავშირებით, შოთა რუსთაველის სახელობის სახელმწიფო დრამატულ თეატრში გამართა ანსამბლის დაარსების 40 წლის იუბილესადმი მიძღვნილი საანგარიშო კონცერტი;

- „ქართულ-აფხაზური კულტურის პოპულარიზაცია“

ქვეპროგრამის ფარგლებში დაფინანსდა შემდეგი პროექტები:

- აფხაზეთის სიმღერისა და ცეკვის სახელმწიფო ანსამბლის „აფხაზეთი“ მონაწილეობა საიუბილეო კონცერტზე, რომელიც გაიმართა ქ. ერევანში და მიემდგვნა ანსამბლ „კრუნკის“ სამხატვრო ხელმძღვანელის ნუნუ გრიგორიანის 50 წლის იუბილეს;
- ქ. თბილისის მოსწავლე ახალგაზრდობის სასახლესთან არსებული ქორეოგრაფიული ანსამბლის „ფერხული“ წამყვანი სოლისტის ილიკო

აზდელანის მონაწილეობა ქ. ბაქოში გამართულ ხალხური ცეკვის საერთაშორისო ფესტივალზე;

- აფხაზეთიდან დევნილი მხატვარ-დიზაინერის ეკატერინე გეგუჩაძის ნამუშევრების გამოფენა „წითელი ხაზი“, რომელიც შედგა აფხაზეთის ავტონომიური რესპუბლიკის განათლებისა და კულტურის სამინისტროსთან არსებულ ვ. არქანიას არტ-გალერეაში;
- ქ. ზუგდიდის მოსწავლე ახალგაზრდობის სასახლეში ქალთა საერთაშორისო დღისადმი მიძღვნილ კონცერტში გურამ ყურაშვილის სახელობის საგუნდო კაპელის მონაწილეობა;
- ხელოვნების სკოლა „აფხაზეთი №1“ საიუბილეო თარიღთან დაკავშირებით სკოლის ადმინისტრაციის მიერ მოწყობილი საიუბილეო კონცერტი, სადაც შესრულდა აფხაზური ხალხური სიმღერები და ცეკვები;
- შპს სტუდია „შავნაბადას“ ვიზიტი ქ. სტამბოლში, სადაც ანგლიკანურ ეკლესიაში შედგა ანსამბლის სოლო კონცერტი, ასევე ჩატარდა ქართულ-აფხაზური მუსიკის მასტერკლასი, რომელსაც ადგილობრივ მუსიკოსებთან ერთად, ქართველები და აფხაზებიც ესწრებოდნენ;
- ქორეოგრაფიული ანსამბლის „დიოსკური“ მიწვევა ქ. ბათუმში საერთაშორისო ფესტივალ-კონკურსზე „ოქროს არგო-2018“; სსიპ სოხუმის მოზარდ მაყურებელთა პროფესიული სახელმწიფო თეატრის „თეთრი ტალღა“ მიწვევა შპს გამომცემლობა „სიესტა“ მიერ ქ. ქობულეთში საბავშვო წიგნების პრეზენტაციაზე სპექტაკლით „გამარჯობა, სოხუმო“;
- ქ. ბათუმში ელისო ბოლქვაძის საქველმოქმედო ფონდის „ლირა“ მიერ ჩატარებული კლასიკური მუსიკის ფესტივალის ფარგლებში გაიმართა ქართველი მწერლის გურამ ოდიშარიას ცხოვრებისა და მოღვაწეობისადმი მიძღვნილი საღამო „ჩემი სოხუმი“. საღამოზე აფხაზეთის სიმღერისა და ცეკვის სახელმწიფო აკადემიურმა ანსამბლმა „აფხაზეთი“ შეასრულა ქართული და აფხაზური მუსიკალური ფოლკლორული ნომრები.

გარდა ამისა, ქართული კულტურის სახლის „ჩვენებულების“ მიერ შპს სტუდია „შავნაბადა“ მიწვეული იყო ქ. სტამბოლში, სადაც ქართულ-აფხაზური მუსიკის კვირეულის ფარგლებში ჩატარდა მასტერკლასები, კონცერტები და შეხვედრები. მნიშვნელოვანია ის ფაქტი, რომ ქართველებმა და აფხაზებმა ერთდროულად შეისწავლეს ქართულ-აფხაზური ხალხური სიმღერები, რამაც ხელი შეუწყო ქართულ-აფხაზური კულტურის პოპულარიზაციას საზღვარგარეთ. დაიგეგმა სამომავლო შეხვედრები და შემოქმედებითი ურთიერთობები.

ასევე, სსიპ გურამ ყურაშვილის სახელობის აფხაზეთის სახელმწიფო საგუნდო კაპელა მიწვეული იყო მარტვილის რაიონში, სალხინოს დადიანთა საშემოდგომო სასახლეში, კამერული მუსიკის საერთაშორისო ფესტივალზე „სალხინოს სასახლის კამერატა“.

კულტურულ-საგანმანათლებლო ფონდი „დღეს“ მეოთხე წელია რაც ახორციელებს ამ საერთაშორისო კულტურულ პროექტს, რომლის ფარგლებშიც პირველად იქნა მიწვეული აფხაზეთის საგუნდო კოლექტივი. ამ ხნის განმავლობაში ფესტივალმა სხვადასხვა ქვეყნის ორმოცდაათამდე მუსიკოსს უმასპინძლა. ღონისძიებაზე აღინიშნა აფხაზეთიდან დევნილი კოლექტივის წარმატებები და ღირსებები. ფესტივალში მონაწილეობამ ხელი შეუწყო აფხაზეთის საგუნდო კოლექტივის პოპულარიზაციას. ქართლი საგუნდო მუსიკისა და საშემსრულებლო ხელოვნების წარმოჩენას და ქართულ-აფხაზური კულტურის პოპულარიზაციას.

• „სპორტულ ინიციატივათა მხარდაჭერის პროგრამა“

ქვეპროგრამის ფარგლებში დაფინანსდა:

- საკალათბურთო კლუბის „სოხუმი“ მგზავრობა ქ. ქუთაისში სუპერლიგის გათამაშებაში მონაწილეობის მისაღებად;
- „სასკოლო სპორტული ოლიმპიადა-2018“-ში აფხაზეთის სკოლის გუნდების რეგიონალურ ფინალურ თამაშებში მონაწილეობისათვის სპორტული ფორმებისა და ბურთების, აგრეთვე სსიპ აფხაზეთის სპორტული მომზადების ცენტრის მოჭიდავეთა გუნდებისათვის საჭიდაო ტრიკოების „ფინკების“ შეძენა;
- აფხაზეთის მოფარიკავეთა ნაკრების ქ. ანტალიაში საერთაშორისო ტურნირში მონაწილეობა;
- საქართველოს ეროვნული ოლიმპიური კომიტეტის, აფხაზეთის რეგიონული ორგანიზაციის პროექტი „მეგობრობა გზად და ხიდად“, სადაც სხვადასხვა მასობრივ სპორტულ შეჯიბრებებში მონაწილეობა მიიღეს აფხაზეთიდან და სამაჩაბლოდან დევნილმა ბავშვებმა და ვეტერანმა სპორტსმენებმა;
- აფხაზეთის რაგბის ფედერაცია, რაგბის ფესტივალის ჩასატარებლად, სადაც მონაწილეობა მიიღეს აფხაზეთის ოკუპირებული ტერიტორიიდან გადმოსულმა სპორტსმენებმა. დევნილი მოპრაგებებისათვის შეძენილ იქნა 25 წყვილი ფორმა;
- სსიპ აფხაზეთის სპორტული მომზადების ცენტრის ძალოსანთა გუნდი;
- აფხაზეთიდან დევნილი, მრავალგზის ევროპისა და მსოფლიო ჩემპიონის ძალისმიერ სამჭიდში ირაკლი ცხოვრებაშვილის მონაწილეობაევროპის თასზე;
- აფხაზეთიდან დევნილი ახალგაზრდა მიუდოისტების სიმონ ფეიქრიშვილის სახელობის საერთაშორისო ტურნირში მონაწილეობა;
- საქართველოს ამპუტანტთა ასოციაციის მიერ ტრადიციულად ორგანიზირებული, აფხაზეთში საბრძოლო მოქმედებებისას დაღუპულ მეომართა ხსოვნის ტურნირი „აფხაზეთის თასი“;

- სსიპ აფხაზეთის სპორტული მომზადების ცენტრის საფეხბურთო გუნდისათვის სპორტული ფორმის შეძენა;
- ბავშვთა საფეხბურთო სკოლა „აფხაზეთი“, რომელიც დაკომპლექტებულია ძირითადად დევნილი სპორტსმენებით.

- „ტურნირები და აფხაზეთის ღია პირველობები სპორტის სხვადასხვა სახეობებში“

გაიმართა ღია პირველობები სპორტის სხვადასხვა სახეობებში:

- საქართველოს დამსახურებული მწვრთნელის ამირან მაისურაძის სახელობის ტურნირზე თავისუფალ ჭიდაობაში აფხაზეთიდან წარმოდგენილი იყო ზემო აფხაზეთის გუნდი და დაბა წყნეთის საჭიდაო ბაზაზე არსებული გუნდი;
- აფხაზეთის ღია პირველობა მძლეოსნობაში, სადაც მონაწილეობა მიიღეს საქართველოს სხვადასხვა რეგიონის მძლეოსნებმა;
- აფხაზეთის ღია პირველობა ფარიკაობაში სადაც მონაწილეობა მიიღეს საქართველოს სხვადასხვა რეგიონის, სომხეთის, აზერბაიჯანის, რუსეთის ფედერაციის (ვლადიკავკაზი) სპორტსმენებმა;
- გენო ზარიას სახელობის ტურნირი მინი ფეხბურთში;
- ტურნირი ჯომარდობაში - აფხაზეთის თასზე, სადაც მონაწილეობა მიიღო ასზე მეტმა ბენეფიციარმა აფხაზეთისა და სამაჩაბლოს ოკუპირებული ტერიტორიებიდან, აფხაზეთის აღმასრულებელი ხელისუფლების დაწესებულების გუნდებმა, აფხაზეთის სპორტული ფედერაციების გუნდებმა;
- ტურნირი ბერძნულ-რომაულ ჭიდაობაში, სადაც აფხაზეთიდან წარმოდგენილი იყო ზემო აფხაზეთის გუნდი და დაბა წყნეთის საჭიდაო ბაზაზე არსებული გუნდი. შეჯიბრება ჩატარდა 14 წონით კატეგორიაში, საპრიზო ადგილზე გასული ყველა სპორტსმენი დაჯილდოვდა შესაბამისი კატეგორიის დიპლომით და მედლით. პირველადგილოსნები დაჯილდოვდნენ ასევე თასებით.

- „გალის რაიონის სკოლამდელი აღზრდისა და სახელოვნებო სკოლების პედაგოგთა და ადმინისტრაციულ-ტექნიკური პერსონალის ფინანსური დახმარება“

ქვეპროგრამის ფარგლებში დაფინანსდა გალის რაიონის სკოლამდელი აღზრდის დაწესებულებების, მუსიკალური და სამხატვრო სკოლების 153 ბენეფიციარი -- 80 პედაგოგი და 73 ადმინისტრაციულ-ტექნიკური პერსონალი.

გარდა ამისა, გალის რაიონის საგანმანათლებლო რესურსცენტრის მონაცემებით, 2017-2018 სასწავლო წლის დასასრულს, გალის რაიონის ომამდელ საზღვრებში ფუნქციონირებდა 30

ზოგადსაგანმანათლებლო სკოლა. მათ შორის 2 საჯარო, 27 სრული ზოგადი, 1 საბაზო. ირიცხებოდა სულ 4267 მოსწავლე. სკოლებში დასაქმებული იყო 954 მასწავლებელი და ტექნიკური პერსონალი. მათ შორის 745 მასწავლებელი, 207 ადმინისტრაციულ-ტექნიკური პერსონალი. აქედან 27 ზოგადსაგანმანათლებლო საშუალო და 1 არასრულ სკოლაში ირიცხებოდა 729 პედაგოგი, 178 ტექნიკური პერსონალი, ხოლო 2 საჯარო სკოლაში (აფხაზეთის N13 და N16 ნაბაკევსა და მეორე ორტობაიში) - 40 პედაგოგი, 7 ადმინისტრაციულ-ტექნიკური პერსონალი. 8 საბავშვო ბაღში 443 აღსაზრდელი იყო, ხოლო სახელოვნებო სკოლებში - 244.

გალის რაიონის სკოლების მოსწავლეებისა და მასწავლებლების მხარდასაჭერად განხორციელდა სხვადასხვა ღონისძიებები. კერძოდ:

- მათემატიკური ოლიმპიადა-ევერესტი
- დისტანციური ტესტირება ოკუპირებული გალის რაიონის სკოლებში
- იუსტიციის სასწავლო ცენტრის მათემატიკის ოლიმპიადა - 2018
- საქართველოს სასკოლო სპორტული ოლიმპიადა - 2018
- ცხოვრების ჯანსაღი წესის დანერგვა
- სხვადასხვა კულტურულ-საგანმანათლებლო ღონისძიება.

ოკუპირებული გალის რაიონის სკოლების პედაგოგები რესურსცენტრის მიერ მონაცემთა ბაზაში შეტანილი ყოველკვარტალური კორექტირების შედეგად ჩართულები არიან ჯანმრთელობის დაზღვევის სახელმწიფო მიზნობრივ პროგრამაში. საანგარიშო პერიოდში დაზღვეული იყო 704 მასწავლებელი.

- „აფხაზეთის კულტურულ ფასეულობათა პოპულარიზაცია-საზღვარგარეთ“

ქვეპროგრამის ფარგლებში, კორნელი კეკელიძის სახელობის საქართველოს ხელნაწერთა ეროვნული ცენტრში ლევან რჩეულიშვილის საარქივო მასალებზე მუშაობის შედეგად შესაძლებელი გახდა წიგნის «Купольная архитектура VIII-X веков в Абхазии» თარგმნა ქართულ ენაზე და ხელახალი გამოცემა დამატებით შევსებული ახალი ილუსტრაციებით;

- „კულტურულ-საგანმანათლებლო საველე ბანაკი აფხაზეთიდან დევნილი მოზარდებისათვის“

ქვეპროგრამის ფარგლებში სენაკის რაიონის სოფელ ნოქალაქევის არქეოლოგიური მუზეუმ-ნაკრძალის ტერიტორიაზე 5 დღით მოეწყო კარვების ქალაქი, რომელშიც განთავსდნენ აფხაზეთიდან და სამხრეთ ოსეთიდან დევნილი მოზარდები. მათ შორის მონაწილეობდა ქ. თბილისის საჯარო სკოლების ის 41 მოსწავლე, რომლებმაც თავი გამოიჩინეს სამინისტროს მიერ გამართულ ახალგაზრდულ კონფერენციაში - „აფხაზეთი - წარსული და დღევანდელი“. მოსწავლე-ახალგაზრდები უზრუნველყოფილი იყვნენ კვებით, საძილე ტომრებით, ე.წ. პარალონებითა და კარვებით. პროექტის ფარგლებში მოსწავლეებისათვის განხორციელდა


მრავალმხრივი აქტივობები, როგორც შემეცნებითი აგრეთვე სპორტულ-გასართობი შინაარსის, რომლის განხორციელებაშიც ართული იყვნენ პარტნიორი ორგანიზაციის „კოდის სათემო განათლების ცენტრია“ წარმომადგენლები.

ეკონომიკის სფერო

ბიზნეს სექტორი

2018 წლის 9 თვეში აფხაზეთის ავტონომიური რესპუბლიკის ბიზნეს სექტორის ორგანიზაციებში, რომელთაც მართავს როგორც აფხაზეთის ავტონომიური რესპუბლიკის ფინანსთა და ეკონომიკის სამინისტრო, ასევე სსიპ “საწარმოთა მართვის სააგენტო”, საშუალოდ 1 560 კაცი მუშაობდა. დასაქმებულთა შრომის ანაზღაურებამ ამ პერიოდში სულ შეადგინა 12 665,2 ათასი ლარი (მ.შ. III კვარტალში - 4 502,7 ათასი ლარი), საშუალო ხელფასის ოდენობამ თვეში – 910,3 ლარი (მ.შ. III კვარტალში - 962,1 ლარი).

დიაგრამა № 4: საშუალო თვიური ხელფასების შედარება 2018/9 თვე-2017/9 თვე მოქმედ ფასებში




როგორც №4 დიაგრამიდან ჩანს, 2018 წლის 9 თვეში საშუალო ნომინალური ხელფასი თვეში ერთ მომუშავეზე დაფიქსირდა 910,3 ლარის დონეზე, რაც წინა წლის ანალოგიური პერიოდის მაჩვენებელთან (896,2 ლარი) შედარებით გაიზარდა 1,6 პროცენტით.

პროდუქციის ბრუნვა¹ და გამოშვება²

2018 წლის 9 თვეში ბიზნეს საწარმოთა მიერ პროდუქციის ბრუნვა/გამოშვება განისაზღვრა 89 603,6 ათასი ლარით (მ.შ. III კვარტალში - 36 333,1 ათასი ლარი).

დიაგრამა № 5: პროდუქციის ბრუნვა/გამოშვება 2018/9 თვე-2017/9 თვე




დიაგრამიდან №5 ჩანს, რომ 2018 წლის 9 თვეში პროდუქციის ბრუნვა და გამოშვება 2017 წლის ანალოგიური პერიოდის მაჩვენებელთან (65 039,6 ათასი ლარი) შედარებით გაიზარდა 24 564,0 ათასი ლარით, ანუ 37,8 პროცენტით. საანგარიშო პერიოდში პროდუქციის ბრუნვისა და გამოშვების საერთო მოცულობაში ძირითადი წილი (99,4%) მოდის ენერგეტიკაზე – 89 078,7 ათასი ლარი (მ.შ. III კვარტალში - 36 168,9 ათასი ლარი), ხოლო დანარჩენ საწარმოებზე – 524,9 ათასი ლარი, მათ შორის სამედიცინო პროფილის (პოლიკლინიკები) – 507,1 ათასი ლარი.

2018 წლის 9 თვეში ენერგოსაწარმოებმა (შპს „ენგურჰესი“ და შპს „ვარდნილჰესების კასკადი“) წინასწარი მონაცემებით სულ 4 025,3 მლნ.კვტ.სთ ელექტროენერგია (მ.შ. III კვარტალში - 1 710,5 მლნ.კვტ.სთ) გამოიმუშავეს. წინა წლის ანალოგიურ პერიოდთან შედარებით (3 727,1 მლნ. კვტ.სთ.) ელექტროენერგიის გამომუშავება 8%-ით გაიზარდა.

¹პროდუქციის ბრუნვა – არის საანგარიშო პერიოდში ეკონომიკური ერთეულის მიერ განხორციელებული გაყიდვები ანუ დარიცხული შემოსავლები საქონლისა და მომსახურების გაყიდვებიდან (ბარტერის ჩათვლით). ბრუნვა მოიცავს ყველა გადასახადსა თუ ბაჟს საქონელსა და მომსახურებაზე (დღგ-ისა და აქციზის გარდა). მასში ჩაირთვება აგრეთვე ყველა ხარჯი (სატრანსპორტო, შეფუთვის და ა.შ.), რომლებიც დაეკისრება მყიდველს. ფასთა დაწევა, ფასდაკლებები თუ ფასდათმობები, აგრეთვე დაბრუნებული ტარის ღირებულება შეიძლება გამოირიცხოს ბრუნვიდან (ნაღდი ანგარიშსწორებისას მხოლოდ ფასდაკლებების გამორიცხვით). ბრუნვაში არ ჩაირთვება აქტივების გაყიდვა, აგრეთვე სუბსიდიები.

²პროდუქციის გამოშვება – განსაზღვრავს ეკონომიკური ერთეულის მიერ ფაქტობრივად წარმოებული პროდუქციის რაოდენობას და რეალიზებული პროდუქციის მოცულობას, გადაყიდვისათვის შეძენილი საქონლისა და მომსახურების, აგრეთვე მატერიალური საბრუნავი საშუალებების მარაგების ცვლილებების ჩათვლით.

დიაგრამა № 6: ენერგოსაწარმოების მიერ გამოიმუშავებული პროდუქციის ბრუნვა/გამოშვება 2018/9 თვე-2017/9 თვე



საანგარიშო პერიოდში ამ საწარმოებში დასაქმებული იყო სულ 1 154 კაცი (მ.შ. III კვარტალში - 1 172 კაცი), რომელთა საშუალო ხელფასი თვეში განისაზღვრა 1 111,7 ლარით (მ.შ. III კვარტალში - 1 176,8 ლარი), რაც 7,7 პროცენტით მეტია წინა წლის ანალოგიურ მაჩვენებელთან (1 032,2 ლარი) შედარებით.

აფხაზეთის ავტონომიური რესპუბლიკის მთავრობის მიერ სახელმწიფო წილით დაფუძნებული საწარმოების ფუნქციონირების შედეგები

საანგარიშო პერიოდში აფხაზეთის ავტონომიური რესპუბლიკის ფინანსთა და ეკონომიკის სამინისტროს მართვაშია 15 შპს. 14 საწარმო წარმოადგენს სამედიცინო პროფილის დაწესებულებას (პოლიკლინიკები), რომელთაგან 7 მდებარეობს ქ. თბილისში. 7 პოლიკლინიკა განლაგებულია საქართველოს სხვადასხვა რეგიონში, კერძოდ:

- ქუთაისში - შპს „დევნილთა საოჯახო ცენტრი „ბიჭვინთა“;
- წალენჯიხაში - შპს „აფხაზეთიდან იგპ-თა ჯვარის ამბულატორია“;
- ხობში - შპს „აფხაზეთიდან იგპ-თა ხობის პოლიკლინიკა“;
- წყალტუბოში - შპს „აფხაზეთიდან იგპ წყალტუბოს პოლიკლინიკა“;
- სენაკში - შპს „აფხაზეთიდან იგპ სენაკის პოლიკლინიკა“;
- ზუგდიდში - შპს „აფხაზეთიდან იგპ ზუგდიდის პოლიკლინიკა“;
- ფოთში - შპს „აფხაზეთიდან იგპ-თა ფოთის პოლიკლინიკა“.

2018 წლის 9 თვეში შპს-ების:

- **საერთო შემოსავალმა** 1 488 134 ლარი შეადგინა, რაც გეგმიურ შემოსავლებზე (1 521 193 ლარი) 33 059 ლარით, ანუ 2,2%-ით ნაკლებია, ხოლო 2017 წლის შესაბამისი პერიოდის ფაქტიურ შემოსავლებთან (1 706 613 ლარი) შედარებით 218 479 ლარით, ანუ 12,8 %-ით ნაკლებია;
- **მთლიანმა ფაქტიურმა დანახარჯებმა** 1 470 023 ლარი შეადგინა, ანუ გეგმით გათვალისწინებულზე (1 489 595 ლარი) 19 572 ლარით ნაკლები, ხოლო 2017 წლის შესაბამისი პერიოდის ფაქტიურ დანახარჯებთან (1 575 625 ლარი) შედარებით 105 602 ლარით შემცირდა;
- **საწარმოების ჯამურმა მოგებამ** 39 253 ლარი შეადგინა, ანუ გეგმით გათვალისწინებულზე (31 598 ლარი) 7 655 ლარით მეტი; 2017 წლის შესაბამისი პერიოდის ფაქტიურ მოგებასთან (131 554 ლარი) შედარებით კი - 92 301 ლარით (70,2%-ით) შემცირდა.
- **წმინდა მოგება** 33 365 ლარი ანუ გეგმით გათვალისწინებულზე (26 325 ლარი) 7 040 ლარით მეტი შეადგინა. 2017 წლის შესაბამისი პერიოდთან (111 820 ლარი) შედარებით კი -78 455 ლარით (ანუ 70,2%-ით) შემცირდა.

ფუნქციონირებადი 15 შპს-დან საანგარიშო პერიოდი ხუთმა ზარალით დაამთავრა, რომლის ჯამურმა ოდენობამ 26 127 ლარი შეადგინა.

საქართველოს ჯანდაცვის სამინისტროს სსიპ „სოციალური მომსახურების სააგენტოს“ მიერ საყოველთაო ჯამრთელობის დაცვის სახელმწიფო პროგრამის ფარგლებში, გეგმიური ამბულატორიული მომსახურების მისაღებად რეგისტრირებულ მოსარგებლებზე თანხმობის ფორმის (მკაცრი აღრიცხვის ბლანკის) შევსების მდგომარეობის თემატური შემოწმების შედეგად დაჯარიმებულ იქნა აფხაზეთის ავტონომიური რესპუბლიკის მთავრობის 100%-იანი წილობრივი მონაწილეობით დაფუძნებული კერძო სამართლის 9 იურიდიული პირი (სამედიცინო დაწესებულება):

- შპს „აფხაზეთიდან იგპ-თა ზუგდიდის პოლიკლინიკა“ – 63 425,32 ლარით;
- შპს „დევნილთა საოჯახო მედიცინის ცენტრი“ – 2 627 695,70 ლარით;
- შპს „აფხაზეთიდან იგპ-თა ჯვარის ამბულატორია“ – 59 772,31 ლარით;
- შპს „სენაკის დევნილთა პოლიკლინიკა - 111 161,45 ლარით;
- შპს „დევნილთა საოჯახო მედიცინის ცენტრი „ბიჭვინთა“ – 48 327,10 ლარით;
- შპს „აფხაზეთიდან იგპ-თა წყალტუბოს პოლიკლინიკა“ – 57 715,10 ლარით;
- შპს „აფხაზეთიდან იგპ-თა ხობის პოლიკლინიკა“ -102 921,94 ლარით;
- შპს „აფხაზეთიდან იგპ-თა ფოთის პოლიკლინიკა“ – 44 126,84 ლარით;
- შპს „დევნილთა საოჯახო მედიცინის ცენტრი „ცხუმი“ – 49 428,23 ლარი.

სასამართლოში გასაჩივრების შედეგად, საჯარიმო სანქციები დროებით შეუჩერდა ორ ორგანიზაციას:

- შპს „დევნილთა საოჯახო მედიცინის ცენტრი“;
- შპს „დევნილთა საოჯახო მედიცინის ცენტრი „ცხუმი“.

ოთხმა შპს-მ (შპს „სენაკის დევნილთა პოლიკლინიკა“, შპს „აფხაზეთიდან იგპ-თა ხობის პოლიკლინიკა“, შპს „აფხაზეთიდან იგპ-თა წყალტუბოს პოლიკლინიკა“, შპს დევნილთა საოჯახო მედიცინის ცენტრი „ბიჭვინთა“) სსიპ სოციალური მომსახურების სააგენტოში გაასაჩივრა აღნიშნული აქტი. სააგენტომ სამ ორგანიზაციას ძალაში დაუტოვა საჯარიმო სანქცია, ხოლო მეოთხეს - შპს დევნილთა საოჯახო მედიცინის ცენტრ „ბიჭვინთას“ ჩამოაჭრა 3 427,72 ლარის ჯარიმა. დანარჩენებისთვის სსიპ „სოციალური მომსახურების სააგენტო“, ამ ორგანიზაციებთან შეთანხმებით, მიიღო გადაწყვეტილება გაწეული მომსახურების 50% მიემართა ჯარიმების დასაფარავად.

ჯარიმების ჯამური ოდენობა 3 161 146,27 ლარს შეადგენს, აქედან 2 677 123, 93 ლარი დროებით შეჩერებულია.

ამჟამად შპს დევნილთა საოჯახო მედიცინის ცენტრ „ბიჭვინთამ“ მოკლე დროში, ხელფასის ფონდის ეკონომიის ხარჯზე, დაფარა მასზე დაკისრებული საურავი.

საანგარიშო პერიოდში, ზემოთ აღნიშნული პრობლემებიდან გამომდინარე, შეზღუდული პასუხისმგებლობის საწარმოების ჯამური შემოსავალი და მოგება გაცილებით ნაკლებია წინა წლის შესაბამის პერიოდთან შედარებით:

- 2018 წლის 9 თვე - შემოსავალი 1 488 134 ლარი; მოგება 39 253 ლარი.
- 2017 წლის 9 თვე - შემოსავალი 1 706 613 ლარი; მოგება 131 554 ლარი.

2018 წლის 9 თვე საწარმოების უმრავლესობამ მოგებით დაამთავრა.

2018 წლის 9 თვის მონაცემების საფუძველზე საშუალო რენტაბელობის დონემ 2,7%-ს შეადგინა.

საანგარიშო პერიოდი 15 შ.პ.ს-დან ოთხმა ზარალით დაამთავრა (შპს სენაკის დევნილთა პოლიკლინიკა; შპს „ზ. ხუბუტიას სახელობის დევნილთა საოჯახო მედიცინის ცენტრი დიოსკურია“; შპს „საოჯახო მედიცინის ცენტრი - აფხაზეთი“; შპს „ავტოტრანსსერვისი“). 2018 წლის 9 თვის ზარალის ჯამურმა ოდენობამ 21 142 ლარი შეადგინა.

საანგარიშო პერიოდში არაერთხელ იქნა მოწვეული შპს-ების საქმიანობის შემსწავლელი მუდმივმოქმედი კომისიის სხდომა, სადაც განიხილული იყო კერძო სამართლის იურიდიული პირების არაეფექტური მუშაობის მიზეზები. მათთვის შემუშავებულ იქნა მნიშვნელოვანი რეკომენდაციები, რომელთა მიღება ორგანიზაციების ხელმძღვანელებს აძლევს საშუალებას სწორად წარმართონ საწარმოო პროცესები ფინანსური წარმატებების მისაღწევად.

სსიპ აფხაზეთიდან იძულებით გადაადგილებულ პირთა სტაჟირების, კვალიფიკაციის ამაღლებისა და დასაქმების ხელშეწყობის ცენტრის „ბიზნესინკუბატორი“ (შემდგომ – „ბიზნესინკუბატორი“) მონაცემებით, სარგებლობაში არსებული ფართებიდან 2018 წლის 9 თვეში, 30 სექტემბრის მდგომარეობით, იჯარით დატვირთული იყო 7 298 კვ.მ. „ბიზნესინკუბატორში“ მოქმედ კომპანიებში დასაქმებული იყო 88 ადამიანი, აქედან – 21 დევნილი. უშუალოდ სსიპ „ბიზნესინკუბატორში“ დასაქმებული იყო 12 პირი.

საანგარიშო პერიოდში „ბიზნესინკუბატორში“ დამატებით გაფორმდა საიჯარო ხელშეკრულებები 4 ახალ მეწარმესთან. ასევე უკვე მოქმედმა ორმა მოიჯარე 400 კვ. მეტრით გაზარდა არსებული ფართები. სულ 9 თვეში დამატებით იჯარით გაიცა 1 628 კვ. მ ფართი.

2018 წლის მაისიდან „ბიზნესინკუბატორი“ ჩაერთო აფხაზეთის ავტონომიური რესპუბლიკის მთავრობის მიერ შექმნილი ეკონომიკური საბჭოს მუშაობაში, რომლის პირველი გასვლითი სხდომა ჩატარდა ქუთაისში. საბჭოს მუშაობაში მონაწილეობა მიიღეს ინდოელმა ინვესტორებმა, რომლებმაც 12 განხილული ბიზნეს პროექტიდან 6 მოიწონეს.

2018 წლის მესამე კვარტალში, სსიპ „ბიზნესინკუბატორის“ მიერ სამეგრელოში ჩატარდა სასათბურე კონსტრუქციების ინვენტარიზაცია. დადგინდა, რომ კონსტრუქციები უკლებლივ არის მოიჯარეების განკარგულებაში, თუმცა გამართულად მუშაობს მხოლოდ 25%. კონსტრუქციების ნაწილი დაზიანდა ქარის და თოვლის შედეგად და საჭიროებს აღდგენას. ფაქტიურად 26880 კვ.მ კონსტრუქციიდან აღსადგენია 11320 კვ.მ.

2018 წლის 9 თვეში იჯარის შემოსავლებმა სულ შეადგინა 51 042 ლარი, რაც გასული წლის ანალოგიური პერიოდის მაჩვენებელს (30 072 ლარი) აღემატება 20 970 ლარით ანუ 69,7%-ით. სახელმწიფო ბიუჯეტში გადახდილი თანხა შეადგენს 13 845 ლარს.

სოფლის მეურნეობა

2018 წლის 9 თვეში აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის მუშაობის პრიორიტეტული მიმართულებებს წარმოადგენდა ოკუპირებულ ტერიტორიებზე მოსახლეობისათვის დახმარების გაწევა მცენარეთა დაცვისა და ვეტერინარიის კუთხით, კოლხური ზვის გადარჩენისა და „აზიურ ფაროსანასთან“ ბრძოლის სახელმწიფო პროგრამების ფარგლებში აქტიური ჩართულობა, დევნილთა დასაქმების ხელშეწყობი აქტივობების გატარება საერთაშორისო და დონორი ორგანიზაციების მხარდაჭერით, იგპ-ის მუდმივი კონსულტირება საჭიროებების შესაბამისად. ფერმერთათვის პრაქტიკული საქმიანობის გაადვილების მიზნით რეკომენდაციების მიცემა, სამეცნიერო-ტექნიკური ნოვაციების დამუშევრაში აქტიური ჩართულობა.

საანგარიშო პერიოდში გალის რაიონის ტერიტორიაზე ტარდებოდა მოსახლეობის საკუთრებაში არსებული შინაური ცხოველების გეგმიური და არაგეგმიური

პროფილაქტიკურ-სამკურნალო ღონისძიებები, განხორციელდა მოსამზადებელი საქმიანობა სასოფლო-სამეურნეო კულტურების დაცვის მიმართულებით, საქმიანობა ძირითადად მიმართული იყო ფერმერთათვის განმარტებითი პრაქტიკული რეკომენდაციების მიწოდებისაკენ, რაც გულისხმობს ძველი და ახალი მეთოდების სიმბიოზს, სწორ დაგეგმარებასა და მეცნიერულად დადგენილი პრაქტიკული აქტივობების ჩატარებას.

დაგეგმილი ღონისძიებების ფარგლებში:

- აფხაზეთის ავტონომიური რესპუბლიკის მთავრობის მიერ სუბსიდირების პროგრამით გამოყოფილი 20 000 ლარის ფარგლებში, გალის რაიონის ვეტსპეციალისტების მოთხოვნის საფუძველზე, ელექტრონული ტენდერის საშუალებით შეძენილ იქნა 26 სახეობის ვეტმედიკამენტი და ინვენტარი, რომელიც განკუთვნილი იყო გალის რაიონის 22 სოფლისათვის მოსახლეობის საკუთრებაში მყოფი შინაური ცხოველების გეგმური და არაგეგმიური პროფილაქტიკურ-სამკურნალო ღონისძიებების ჩასატარებლად;
- გალის რაიონის ოკუპირებულ ტერიტორიაზე მცხოვრები მოსახლეობის საკუთრებაში მყოფ შინაურ ცხოველებს, მათ შორის 16000 სულამდე მსხვილფეხა რქოსან პირუტყვს, 13000 ფრთამდე ფრინველს, 1000 ოჯახამდე ფუტკარს და 250 სულამდე ღორს ჩაუტარდა სხვადასხვა სახის საპროფილაქტიკო-სამკურნალო ღონისძიებები. შედეგად, დროულად და ეფექტურად ჩატარებული სამუშაოების შედეგად ოკუპირებული გალის რაიონის ტერიტორიაზე ინფექციური დაავადებების კერები არ დაფიქსირებულა;
- კონტროლზე იქნა აყვანილი გალის რაიონში ადგილობრივი ადმინისტრაციის მიერ საცხოვრებელი სახლების და სხვა შენობა-ნაგებობების ქიმიური პრეპარატებით დამუშავების უსაფრთხოების უზრუნველყოფის, ქიმიური პრეპარატების გადატანის და სასოფლო-სამეურნეო სამუშაოების ორგანიზების საკითხები. მოძიებულ იქნა მასალები აფხაზეთში რუსეთის ტერიტორიიდან შემოჭრილ მავნებლებზე (პალმის წითელი გრძელცხვირა, ბზის ალურა და სხვა დარეგისტრირებული ინვაზიური მავნებლები), რომლებმაც უდიდესი ზიანი მიაყენეს დეკორატიულ და ბუნებრივ ნარგავებს შავი ზღვის სანაპიროზე;
- აფხაზეთის ოკუპირებულ ტერიტორიაზე მცხოვრები მოსახლეობის აგრარულ პროექტებში და პროგრამებში ჩართულობის განყოფილების მიერ შესწავლილ იქნა დევნილ პირთა საკუთრებაში და სარგებლობის უფლებით არსებული მიწის ფართობები. აგრეთვე რუხის ტერიტორიაზე არსებული მიწების შესასწავლად ჩატარდა კამერალური სამუშაოები;
- გალისა და ოჩამჩირის რაიონებში შესწავლილ იქნა ფაროსანას საწინააღმდეგოდ ჩასატარებელი სამუშაოების ფართობების რაოდენობა, რომელმაც შეადგინა 16

ათასი ჰა. გალის რაიონის ტერიტორიაზე მოძიებულია ინფორმაცია სასოფლო-სამეურნეო მიწების ბალანსის თაობაზე 1990-2017 წლის მდგომარეობით;

- შემუშავდა ბროშურა „ჰერბიციდების გამოყენების როლი მეფუტკრეობაში“;
- კვალიფიციური დახმარება გაეწია 12 დევნილს და მოხერხდა საერთაშორისო ორგანიზაციებსა და ფონდებში მათი პროექტების ჩაბარება;
- ჟურნალ „აგრარულ საქართველოში“ გამოქვეყნდა აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის სპეციალისტების მიერ მომზადებული 7 ნაშრომი.

ოკუპირებულ ტერიტორიაზე მუდმივად ტარდება დაკვირვებები და მონიტორინგი სასოფლო-სამეურნეო კულტურების საკარანტინო და რაიონში არსებული სხვადასხვა მავნებლის დაავადებების, სარეველების ფიტოსანიტარული მდგომარეობის დადგენაზე, მავნებლის არეალის გავრცელებაზე. მოსახლეობას სისტემატურად ეძლევა რეკომენდაციები და მითითებები მავნებლებთან ბრძოლის კომპლექსური ღონისძიებების გასატარებლად. განსაკუთრებული აქცენტი გაკეთდა პრეპარატების ასორტიმენტზე და პესტიციდების საორიენტაციო წლიურ მოთხოვნაზე. გალის რაიონის მოსახლეობას დაურიგდა თემატური სახელმძღვანელოები და ბროშურები. ამავე თემას მიემდვნა ქ. ზუგდიდში ჩატარებული კონფერენცია, რომლის ძირითადი დანიშნულება იყო კომპლექსურ ღონისძიებათა შორის მავნებლებთან ბრძოლის არსებული მეთოდების ეფექტურად გამოყენების აუცილებელი პრაქტიკული, სარეკომენდაციო წინადადებების შემუშავება და მოსახლეობისათვის მიწოდება. კონფერენციის მუშაობაში მონაწილეობა მიიღეს საქართველოს მთავრობის, საერთაშორისო დონორი ორგანიზაციებისა და საზოგადოებრივი სექტორის წარმომადგენლებმა, აგრეთვე სამეგრელო-ზემო სვანეთის რეგიონში და ოკუპირებულ გალის რაიონში მცხოვრებმა დევნილებმა. სხვა საკითხებთან ერთად განხილულ იქნა აფხაზეთის ოკუპირებულ ტერიტორიაზე „აზიური ფაროსანას“ წინააღმდეგ ბრძოლის 2018 წლის სახელმწიფო პროგრამით გათვალისწინებული აქტივობების განხორციელების მოსალოდნელი რისკები და მათი მინიმიზაციის გზები. გალის მოსახლეობას მიეწოდა ინფორმაცია აზიურ ფაროსანასთან დაკავშირებით, განემარტათ მისი პოპულაციის შემცირების გზები. ინტერესი გამოიწვია ალტერნატიული მეთოდის „მოიზიდე და მოკალი“ გამოყენებამ მეშვეობით, რომლის მიზანია მავნებლის მართვაში ინსექტიციდების ჭარბის გამოყენების საჭიროების შემცირება და აღმოფხვრა. ასევე განხორციელდა კვლევები პირველი გენერაციის ნიმუშების (მატლები) გამოვლენაზე, რაც გულისხმობდა ფერომონებიანი სატყუარების განთავსებას გარკვეული ინტერვალით აზიური ფაროსანას ამ ადგილებში კონცენტრირების მიზნით. შემდგომ მოხდა ინსექტიციდების მოქმედებით დიდი რაოდენობით მავნებლის ადგილზე დახოცვა.

აფხაზეთის ავტონომიური რესპუბლიკის მთავრობის სხდომაზე განხილულ იქნა საკითხი გალის რაიონში არსებულ მცენარეთა ფიტოსანიტარული მდგომარეობის შესახებ. შემუშავდა მეთოდები, რომელთა გატარებამ უნდა შეამციროს მავნებლების პოპულაცია.

აზიური ფაროსანას წინააღმდეგ პროგრამის განსახორციელებელი ღონისძიებებისათვის გამოყოფილი 4320 ლიტრი ქიმიური პრეპარატი დასაწყობდა გულრიფშის რაიონში, 12980 ლიტრი - გალის რაიონის სოფ. მზიურში და 2720 ლიტრი - ქ. ზუგდიდში, ასევე დასაწყობდა 300 ცალი სპეცტანსაცმელი, 100 ცალი ნილაბი, 200 ცალი ხელთათმანი, 100 ცალი სათვალე. დადგინდა და შესწავლილ იქნა გალისა და ოჩამჩირის რაიონებში ფაროსანას საწინააღმდეგოდ ჩასატარებელი სამუშაოების ფართობების რაოდენობა - 15000-დან 16000-მდე ჰა ფართობი სასოფლო-სამეურნეო სავარგული. გარდა ამისა, მიმდინარეობდა ფერომანებისა და წებოვანი ფირფიტების განლაგება მრავალწლიან მცენარეებზე, ძირითადად თხილის ნარგავებზე, მათზე დაწესდა კონტროლი.

საანგარიშო პერიოდში ტარდებოდა ტერიტორიის დასუფთავებისა და გამწვანების სამუშაოები. აღსანიშნავია, რომ ქ. თბილისის მერიის მიერ 2014 წელს სარგებლობაში გადმოცემული 7 ჰა მიწის ფართიდან 3 ჰა-ზე დარგული ნერგებიდან იხარა მხოლოდ აკაციის ნერგებმა, რომლის მიზეზიც, სპეციალისტთა აზრით, არის ნაგავსაყრელზე მყარი საფარის არარსებობა. ქ. თბილისში, კრწანისის რაიონში მერიის მიერ უზურფრუქტით გამოყოფილ 15000 კვ.მ ტერიტორიის ფართობზე შექმნილი ლანდშაფტური პროექტის საფუძველზე აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის მიერ შემოტანილ იქნა 850მ³ მიწა და განხორციელდა 500 კვ.მ ტერიტორიის მოწყობა შემდგომში ზუგდიდის რაიონის სოფ. რუხიდან ჩამოტანილი კოლხური ბზის ნერგებით საბაზო მეურნეობის შესაქმნელად.

გარემოს დაცვის სამმართველოს თანამშრომლები ჩართულნი იყვნენ სახელმწიფო და საერთაშორისო გარემოსდაცვითი და სატყეო დარგის პროექტებსა და საგრანტო პროგრამებში. ატარებდნენ შემეცნებით ტრენინგ-სემინარებს. მომზადდა საინფორმაციო ბროშურა აფხაზურ, ქართულ და რუსულ ენებზე „რა უნდა ვიცოდეთ აზიური ფაროსანას შესახებ“.

გარდა ამისა, ევროკავშირისა და გაეროს განვითარების პროგრამის (UNDP) ერთობლივი ინიციატივა COBERM-ის მიერ დაფინანსებული პროექტის „ნდობის აღდგენის ღონისძიებების ხელშეწყობა გარემოსდაცვითი პრობლემების გადაჭრაში ახალგაზრდა თაობის ჩართულობით“ ფარგლებში ასოციაციამ „აგორა“ გამართა დასკვნითი ღონისძიება მრგვალი მაგიდა თემაზე „ნდობის აღდგენის ღონისძიებების ხელშეწყობა გარემოსდაცვითი პრობლემების გადაჭრაში ახალგაზრდა თაობის ჩართულობით“.

ასევე, გარემოს სამმართველოს თანამშრომლები მონაწილეობდნენ გარემოსდაცვითი ინფორმაციისა და განათლების ცენტრის ორგანიზებით გამართულ დისკუსიაში „ჰაერის დაცვის პოლიტიკის“ შესახებ.

სახელმწიფო ქონების მართვა და პრივატიზება

სახელმწიფო ქონების მართვისა და პრივატიზაციის დეპარტამენტი საანგარიშო პერიოდში განკარგავდა აფხაზეთის ავტონომიური რესპუბლიკის კუთვნილ უძრავ და მოძრავ ქონებას, კერძოდ:

აფხაზეთის ავტონომიური რესპუბლიკის ფინანსთა და ეკონომიკის სამინისტროს გადმოეცა:

მოძრავი ქონება

- საქართველოს პარლამენტის მიერ:
 - ავტომანქანა „ფოლკსვაგენ პასატი“ სახ. ნომრით LUK-737, 2009 წლის გამოშვება, სარეგისტრაციო მოწმობის ნომრით WVWZZZ3CZAP016899, საწყისი საბალანსო ღირებულებით 45 461,0 ლარი, ნარჩენი ღირებულებით 0,0 ლარი;
 - ავტომანქანა „ფოლკსვაგენ პასატი“ სახ. ნომრით TSP-041, 2009 წლის გამოშვება, სარეგისტრაციო მოწმობის ნომრით WVWZZZ3CZAP016823, საწყისი საბალანსო ღირებულებით 45 461,0 ლარი, ნარჩენი ღირებულებით 0,0 ლარი;
- საქართველოს შინაგან საქმეთა სამინისტროს მიერ:
 - „SKODA OCTAVIA“ სახ. ნომრით KCK-087, საიდენტიფიკაციო ნომრით TMBAD4NE3E0082768, მასზე დამონტაჟებული 1 ცალი აკუმულატორით (75 ამპ/სთ) და 4 ცალი ზამთრის სეზონის საბურავით, ასევე ექსპლუატაციაში ნამყოფი 4 ცალი ზაფხულის სეზონის საბურავით, საწყისი საბალანსო ღირებულებით 26 000,0 ლარი, ნარჩენი ღირებულებით 0,0 ლარი;
 - „SKODA OCTAVIA“ სახ. ნომრით CJC-568, საიდენტიფიკაციო ნომრით TMBCK21ZXC2137214, მასზე დამონტაჟებული 1 ცალი აკუმულატორით (66 ამპ/სთ) და 4 ცალი ზამთრის სეზონის საბურავით, ასევე ექსპლუატაციაში ნამყოფი 4 ცალი ყველა სეზონის საბურავით, საწყისი საბალანსო ღირებულებით 12 500,0 ლარი, ნარჩენი ღირებულებით 0,0 ლარი;
- სსიპ სულიერებისა და კულტურის ცენტრის მიერ - ავტომანქანა „მერსედეს ბენცი“ E-200, გამოშვების წელი 1995წ., სახ. ნომრით IG-041-GI, 2009 წლის გამოშვება, საიდენტიფიკაციო ნომრით WDB2100351A070598, საწყისი საბალანსო ღირებულებით 3 607,12 ლარი, ნარჩენი ღირებულებით 2 395,13 ლარი;
- აფხაზეთის ავტონომიური რესპუბლიკის იუსტიციის დეპარტამენტის მიერ - ავტომანქანა „MERCEDES-BENZ C240“ სახ. ნომრით IIW-454, 2004 წლის გამოშვება, 1 სათადარიგო და 2 მეორადი საბურავით, საწყისი საბალანსო ღირებულებით 16 000,0 ლარი, ნარჩენი ღირებულებით 5 289,0 ლარი;
- სსიპ სახელმწიფო ქონების ეროვნული სააგენტოს სამეგრელო-გურია-ზემო სვანეთის მომსახურების ცენტრის მიერ:

- ერთჯერადი კომბინიზონი - 300 ცალი ჯამური ღირებულებით 3 567,0 ლარი;
- ხელთათმანი - 200 წყვილი ჯამური ღირებულებით 482,0 ლარი;
- რესპირატორი - 100 ცალი ჯამური ღირებულებით 5 710,0 ლარი;
- დამცავი სათვალე - 100 ცალი ჯამური ღირებულებით 705,0 ლარი;
- ბიფეტრინის შემცველი პრეპარატი „ინსაკარი - 100 ეკ“ - 11 360 ლიტრი საერთო ღირებულებით სულ 358 521,6 ლარი;
- ბიფეტრინის შემცველი პრეპარატი „ინსაკარი - 100 ეკ“ - 4 320 ლიტრი საერთო ღირებულებით სულ 136 339,2 ლარი;
- ფერომონი - 500 ცალი საერთო ღირებულებით სულ 29 500,0 ლარი;
- სოლო port 423 - 20 ცალი საერთო ღირებულებით 22 851,2 ლარი;
- აფხაზეთის ავტონომიური რესპუბლიკის სოფლის მეურნეობის, გარემოსა დაცვისა და ბუნებრივი რესურსების დეპარტამენტის მიერ - ავტომანქანა „HONDA CR-V“ სახ. ნომრით JSJ-101, სარეგისტრაციო ნომრით JHLRD18711S003565, 2000 წლის გამოშვება, საწყისი საბალანსო ღირებულებით 13 535,0 ლარი, ნარჩენი ღირებულებით 3 377,08 ლარი;
- იმერეთის, გურიის, რაჭა-ლეჩხუმისა და ქვემო სვანეთის რეგიონებსა და აჭარის ავტონომიურ რესპუბლიკაში აფხაზეთის ავტონომიური რესპუბლიკის მთავრობის წარმომადგენლობის მიერ - ავტომანქანა „MITSUBISHI OUTLANDER“, სახ. ნომრით SSA-619, 2003 წლის გამოშვება, საიდენტიფიკაციო ნომრით JA4LZ31G73U116819, საწყისი საბალანსო ღირებულებით 13 000,0 ლარი, ნარჩენი ღირებულებით 999,8 ლარი;
- აფხაზეთის ავტონომიური რესპუბლიკის დევნილთა საქმეების დეპარტამენტის მიერ - ავტომანქანა „TOYOTA-4“ RUNER სახელმწიფო ნომრით SKY-183, რუხი ფერის, 2002 წლის გამოშვება, საიდენტიფიკაციო ნომრით JT3HN86R820381743, საწყისი საბალანსო ღირებულებით 32 900,0 ლარი, ნარჩენი ღირებულებით 0,0 ლარი;
- სამეგრელო-ზემო სვანეთის რეგიონში აფხაზეთის ავტონომიური რესპუბლიკის მთავრობის წარმომადგენლობის მიერ - ავტომანქანა „Opel Vectra B“, სახ. ნომრით MIV-995, ტრანსპორტის სარეგისტრაციო მოწმობის № AV3138393, 1999 წლის გამოშვება, საწყისი საბალანსო ღირებულებით 8 350,0 ლარი, ნარჩენი ღირებულებით 999,8 ლარი;
- სსიპ სახელმწიფო ქონების ეროვნული სააგენტოს სამეგრელო-გურია-ზემო სვანეთის მომსახურების ცენტრის მიერ - 10 000 ლიტრი ბიფეტრინის შემცველი პრეპარატი საერთო ღირებულებით 315 600 ლარი.

აფხაზეთის ავტონომიური რესპუბლიკის ფინანსთა და ეკონომიკის სამინისტროს მიერ გადაეცა:

მომრავი ქონება

- აფხაზეთის ავტონომიური რესპუბლიკის იუსტიციის დეპარტამენტს - ავტომანქანა „ფოლკსვაგენ პასატი“ სახ. ნომრით TSP-041, 2009 წლის გამოშვება, სარეგისტრაციო მოწმობის ნომრით WVWZZZ3CZAP016823, საწყისი საბალანსო ღირებულებით 45 461,0 ლარი, ნარჩენი ღირებულებით 0,0 ლარი;
- აფხაზეთის ავტონომიური რესპუბლიკის განათლებისა და კულტურის სამინისტროს - „SKODA OCTAVIA“ სახ. ნომრით CJC-568, საიდენტიფიკაციო ნომრით TMBCCK21ZXC2137214, მასზე დამონტაჟებული 1 ცალი აკუმულატორით (66 ამპ/სთ) და 4 ცალი ზამთრის სეზონის საბურავით, ასევე ექსპლუატაციაში ნამყოფი 4 ცალი ყველა სეზონის საბურავით, საწყისი საბალანსო ღირებულებით 12 500,0 ლარი, ნარჩენი ღირებულებით 0,0 ლარი;
- აფხაზეთის ავტონომიური რესპუბლიკის სოფლის მეურნეობის, გარემოსა დაცვისა და ბუნებრივი რესურსების დეპარტამენტს:
 - „მიცუბიში პაჯერო“, სახელმწიფო ნომრით LR-903-RR, გამოშვების წელი 2007, საიდენტიფიკაციო ნომრით JMYLRV93W7J715457, საწყისი საბალანსო ღირებულებით 51 270,0 ლარი, ნარჩენი ღირებულებით 0,0 ლარი;
 - ბიფეტრინის შემცველი პრეპარატი „ინსაკარი - 100 ეკ“ - 4 320 ლიტრი საერთო ღირებულებით სულ 136 339,2 ლარი;
 - სოლო port 423 - 20 ცალი საერთო ღირებულებით 22 851,2 ლარი;
 - ბიფეტრინის შემცველი პრეპარატი „ინსაკარი - 100 ეკ“ - 11 360 ლიტრი საერთო ღირებულებით სულ 358 521,6 ლარი;
 - ფერომონი - 500 ცალი საერთო ღირებულებით სულ 29 500,0 ლარი;
 - ერთჯერადი კომბინიზონი - 300 ცალი ჯამური ღირებულებით 3 567,0 ლარი;
 - ხელთათმანი - 200 წყვილი ჯამური ღირებულებით 482,0 ლარი;
 - რესპირატორი - 100 ცალი ჯამური ღირებულებით 5 710,0 ლარი;
 - დამცავი სათვალე - 100 ცალი ჯამური ღირებულებით 705,0 ლარი;
 - 10 000 ლიტრი ბიფეტრინის შემცველი პრეპარატი საერთო ღირებულებით 315 600 ლარი;
- იმერეთის, გურიის, რაჭა-ლეჩხუმისა და ქვემო სვანეთის რეგიონებსა და აჭარის ავტონომიურ რესპუბლიკაში აფხაზეთის ავტონომიური რესპუბლიკის მთავრობის წარმომადგენლობას - ავტომანქანა „ფოლკსვაგენ პასატი“ სახ. ნომრით LUK-737, 2009 წლის გამოშვება, სარეგისტრაციო მოწმობის ნომრით WVWZZZ3CZAP016899, საწყისი საბალანსო ღირებულებით 45 461,0 ლარი, ნარჩენი ღირებულებით 0,0 ლარი;
- შპს „ავტოტრანსსერვის“ - ავტომანქანა „მერსედეს ბენცი“ E-200, გამოშვების წელი 1995წ., სახ. ნომრით IG-041-GI, 2009 წლის გამოშვება, საიდენტიფიკაციო ნომრით

WDB2100351A070598, საწყისი საბალანსო ღირებულებით 3 607,12 ლარი, ნარჩენი ღირებულებით 2 395,13 ლარი.

სხვა სამუშაოები:

- დეპარტამენტი ახორციელებდა სახელმწიფოს 100% წილობრივი მონაწილეობით დაფუძნებული საწარმოების მართვას, მათი ხელშეწყობის მიზნით წლიური და კვარტალური ანგარიშების ანალიზისა და ანალიზის შედეგებიდან გამომდინარე წინადადებებისა და რეკომენდაციების შემუშავებას საწარმოების მიერ მოთხოვნილი (რეინვესტირებული) თანხის მიზნობრივ გამოყენებაზე.
- შესწავლილ და გაანალიზებულ იქნა საწარმოთა 2018 წლის I კვარტლის, 6 თვისა და 9 თვის ანგარიშები;
- შემუშავებულ და დამტკიცებულ იქნა (კორექტირებული, რეალური შემოსავლების გათვალისწინებით) საწარმოების 2018 წლის ბიზნეს გეგმები.

გეოლოგია

აფხაზეთის გეოლოგიისა და მინერალური რესურსების სააგენტოს მიერ საანგარიშო პერიოდში გაკეთდა:

- აფხაზეთის ტერიტორიაზე არსებული მტკნარი, თერმული და მინერალური წყლების გეოლოგიურ-მინერაგენიული დახასიათება, მათი ეკონომიკური პოტენციალის განსაზღვრა. დღეს არსებული სიტუაციის შეფასება;
- გაგრის რაიონის მტკნარი, თერმული და მინერალური წყლების ელექტრონული გეოინფორმაციული პაკეტი;
- დაბა წყნეთში დევნილთა კომპაქტური ჩასახლების ადგილებში საშიში გეოლოგიური პროცესების განვითარების მონიტორინგი და პრევენცია.

სისტემატურად ხორციელდებოდა:

- საინფორმაციო და სხვა წყაროებიდან ინფორმაციის მოძიება ოკუპირებულ ტერიტორიაზე მინერალური რესურსების უკანონო მოპოვება-გატანის შესახებ;
- აფხაზეთის სანაპირო ზოლის ლითონდინამიკური მდგომარეობის მონიტორინგი თანამედროვე დისტანციური მეთოდებით;

- აფხაზეთში მიმდინარე გეოლოგიური, ჰიდროგეოლოგიური და საინჟინრო-გეოლოგიური საქმიანობის შესახებ ინფორმაციის შეგროვება, გეოეკოლოგიურ სიტუაციებზე დაკვირვება.

2018 წლის 3 მაისს სააგენტოს მიერ ჩატარდა კონფერენცია თემაზე „აფხაზეთის შავი ზღვის სანაპირო ზოლის გეოეკოლოგიური მდგომარეობა და მასზე ანთროპოგენური ზემოქმედების შედეგების ანალიზი“, სადაც ასახულ იქნა ინფორმაცია აფხაზეთის შავი ზღვის სანაპირო ზონის დარღვეული მორფო-დინამიკური წონასწორობის შესახებ, რომელიც საფრთხეს უქმნის უნიკალურ ეკოსისტემას. სააგენტოს ამოცანას წარმოადგენდა საერთაშორისო სუბიექტების მოზიდვა აღნიშნული პრობლემის გადაწყვეტის სტრატეგიის შემუშავებაში. საერთაშორისო ორგანიზაციების ხელშეწყობით უზრუნველყოფილ უნდა იქნას აფხაზური და ქართული საზოგადოების აქტიური ჩართვა ამ პრობლემური საკითხების ერთობლივად გადაჭრის საქმეში. უნდა გაძლიერდეს მონიტორინგი სანაპიროზე მიმდინარე მორფო და ლითონდინამიკურ პროცესებზე ყველა არსებული მეთოდებით. აღნიშნული კონფერენციის მასალები გამოცემულ იქნა ბუკლეტების სახით.

საქვეუწყებო დაწესებულება – ინფრასტრუქტურისა და დარგობრივ საკითხთა დეპარტამენტი

დეპარტამენტის საქმიანობის ძირითად მიმართულებას წარმოადგენდა საქართველოს სხვადასხვა რეგიონში კომპაქტურად ჩასახლებული იგპ-ების საცხოვრებელი შენობა-ნაგებობების საინჟინრო ინფრასტრუქტურის მდგომარეობის შესწავლა და ანალიზი, საჭირო სარემონტო სამუშაოების მოცულობის დადგენა და შესაბამისი დეფექტური აქტების, ტექნიკური დოკუმენტაციების შედგენა.

აღნიშნულ პერიოდში, აფხაზეთის მთავრობის დავალების თანახმად, შემუშავებულ და წარმოდგენილ იქნა კომპაქტურად ჩასახლებული დევნილების საყოფაცხოვრებო პირობების გასაუმჯობესებლად გადაუდებელი სამუშაოების საორიენტაციო ღირებულებები რეგიონების მიხედვით. დადგენილ იქნა 87 ობიექტი, რომელიც მოითხოვს გადაუდებელი სარემონტო-სარეაბილიტაციო სამუშაოების ჩატარებას.

საანგარიშო პერიოდში დეპარტამენტის თანამშრომლები მივლინებულ იყვნენ ქუთაისში, სადაც „სოხუმხელსაწყოს“ ტერიტორიაზე ჩატარდა აზომვითი სამუშაოები, გადაღებულ იქნა ფოტომასალა არქიტექტურული პანოს შესამუშავებლად და შესაბამისი ხარჯთაღრიცხვის გასაკეთებლად, რაც საფუძველს დაუდებს ქართულ-აფხაზური კულტურის ცენტრის მშენებლობას.

გარდა ამისა, შემუშავდა:

- აფხაზეთის ავტონომიური რესპუბლიკის დრამატული თეატრის რეკონსტრუქციის ორი ვარიანტი - 460 და 170 ათასიანი ლარის ღირებულების. დამუშავდა ტექნიკური დოკუმენტაცია ტენდერის გამოსაცხადებლად 170 ათ. ლარიან პროექტზე;
- აფხაზეთის ავტონომიური რესპუბლიკის განათლებისა და კულტურის სამინისტროს შენობის სარდაფის პატარა დარბაზის სარეკონსტრუქციო სამუშაოების პროექტი, დევექტური აქტი და ლოკალური ხარჯთაღრიცხვა, რომლის ღირებულებამ შეადგინა 22 835 ლარი;
- აფხაზეთის ავტონომიური რესპუბლიკის სამეგრელო-ზემო სვანეთის რეგიონში წარმომადგენლობის ოფისი მშენებლობის პროექტის მე-2 ვარიანტი, რომლის ღირებულებამ შეადგინა 250 460 ლარი;
- ნდობის აღდგენისა და შერიგების საკითებში მინისტრის აპარატის ოფისის პროექტი (გასარემონტებელი ფართი 260 მ²), რომლის ღირებულებამ შეადგინა 61 742 ლარი;
- აფხაზეთის ავტონომიური რესპუბლიკის სოფლის მეურნეობის დეპარტამენტის კუთვნილებაში არსებული სარდაფის რეკონსტრუქცია საორიენტაციო ღირებულებით 23 000 ლარი;
- ზედა ეწერის აფხაზეთის მე-15 სკოლის სპორტული დარბაზის რეკონსტრუქციის ხარჯთაღრიცხვა (151 208 ლარი) და ცალკე სახურავის რემონტის ხარჯთაღრიცხვა (34 442 ლარი).

აფხაზეთის ავტონომიური რესპუბლიკის განათლებისა და კულტურის სამინისტროს ბალანსზე არსებული სახლმწიფო დრამატული თეატრის დარბაზის საკონსტრუქციო სამუშაოების სრულყოფილად ჩატარებისა და გამოყოფილი თანხის დროული და ეფექტური ათვისების მონიტორინგის მიზნით სარეკონსტრუქციო სამუშაოებზე ხორციელდებოდა საზედამხედველო კონტროლი.

აფხაზეთის ავტონომიური რესპუბლიკის ბიუჯეტი


აფხაზეთის ავტონომიური რესპუბლიკის რესპუბლიკური ბიუჯეტის შემოსულობებმა 2018 წლის 9 თვეში შეადგინა სულ 11 667,08 ათასი ლარი, რაც გეგმის (11 353,14 ათასი ლარი) 102,77%-ია.

გადასახადების სახეების მიხედვით ფაქტიურმა შემოსულობებმა შეადგინა:


- საშემოსავლო გადასახადი – 5 306,49 ათასი ლარი. გეგმა (5 101,64 ათასი ლარი) შესრულდა 104,02 %;
- სახელმწიფო ბიუჯეტიდან გამოყოფილი ტრანსფერი – 6 042,0 ათასი ლარი. გეგმა (6 042,0 ათასი ლარი) შესრულდა 100%-ით;
- სხვა შემოსავლები – 302,72 ათასი ლარი, რამაც გეგმის (209,5 ათასი ლარი) 144,5% შეადგინა.

ბიუჯეტის შევსების მთავარი წყაროებია ცენტრალური ბიუჯეტიდან მიღებული ტრანსფერი და საშემოსავლო გადასახადი, რომელთა ხვედრითი წილი შემოსავლების საერთო მოცულობაში 51,8 და 45,5 პროცენტს შეადგენს შესაბამისად. აღნიშნული შემოსავლები ჯამში საერთო შემოსავლების 97,3 პროცენტია, ანუ დანარჩენ შემოსავლებზე მოდის მხოლოდ 2,7 პროცენტი.

დიაგრამა №7: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2018/9 თვე



დიაგრამა №8: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2018/9 თვე-2017/9 თვე




ცხრილი №2: აფხაზეთის ავტონომიური რესპუბლიკის რესპუბლიკური ბიუჯეტის შესრულების შედეგები. 2018/9 თვე

ათასი ლარი

	გეგმა	ფაქტი	გეგმის შესრ.%	გეგმასთან შედ.+/-	ხვ. წილი გადასახდელებთან %
გადასახდელები – სულ მ.შ.	11466.6	10529.0	91.8	-937.7	100.0
შრომის ანაზღაურება	5492.4	5417.7	98.6	-74.7	51.5
შტატგარეშე მომუშავეთა ანაზღ.	913.3	833.1	91.2	-80.2	7.9
მივლინებები	189.1	164.7	87.1	-24.4	1.6
ოფისის ხარჯები	583.3	379.6	65.1	-203.7	3.6
წარმომადგენლობითი ხარჯები	61.7	54.1	87.7	-7.6	0.5
სამედიცინო ხარჯები	0.10	0.06	60.0	0.0	
რბილი ინვენტარისა და უნიფორმის შეძენის და პირად ჰიგიენასთან დაკ. ხარჯები	1.00	0.80	80.0	-0.20	
ტრანსპორტის, ტექნიკისა და იარაღის ექსპლუატაციისა და მოვლა-შენახვის ხარჯები	365.9	314.8	86.0	-51.1	3.0
სხვა დანარჩენი საქონელი და მომსახურება	169.1	151.9	89.8	-17.2	1.4
სუბსიდია	2034.3	1903.4	93.6	-130.9	18.1
გრანტები	27.79	27.03	97.3	-0.8	0.3
სოციალური უზრუნველყოფა	997.0	922.9	92.6	-74.1	8.8
სხვა ხარჯები	301.3	243.7	80.9	-57.6	2.3
არაფინანსური აქტივების ზრდა	330.2	115.2	34.9	-215.0	1.1

დიაგრამა № 9: შემოსულობებისა და გადასახდელების შედარება 2018/9 თვე-2017/9 თვე



2018 წლის 9 თვის შემოსავლები (ტრანსფერის გარეშე) წინა წლის ანალოგიური პერიოდის მაჩვენებელთან შედარებით გაიზარდა 38,93 ათასი ლარით, რაც აიხსნება იმით, რომ აფხაზეთის ავტონომიური რესპუბლიკის ბიუჯეტის საგადასახადო შემოსავლებზე მოქმედებს სხვადასხვა ფაქტორები. კერძოდ, 2017 წლის დეკემბერში გაცემული შრომის ანაზღაურებაზე (მ.შ. პრემია) დარიცხული საშემოსავლო გადასახადი აისახა 2018 წელს, საშემოსავლო გადასახადის დეკლარაციის საგადასახადო კოდექსით განსაზღვრულ ვადებში წარდგენისას. გარდა ამისა, შეუძლებელია შპს „ენგურჰესზე“ და შპს „ვარდნილჰესების კასკადზე“ 2018 წელს განსახორციელებელი რეაბილიტაციიდან, სარემონტო სამუშაოებიდან აფხაზეთის ავტონომიური რესპუბლიკის ბიუჯეტში კუთვნილი საშემოსავლო გადასახადის სახით შემოსული თანხის ოდენობის წინასწარი განსაზღვრა. მოცემული გარემოებებიდან გამომდინარე „აფხაზეთის ავტონომიური რესპუბლიკის 2018 წლის რესპუბლიკური ბიუჯეტის შესახებ“ აფხაზეთის ავტონომიური რესპუბლიკის კანონის პროექტის ფორმირების პერიოდში ნაწილობრივ იქნა გათვალისწინებული აღნიშნული ფაქტორები.